


Ed 435

~~77g~~



(P)ol. 8 II. 655






CONFERTATIO
URVTHENICI.

SIA
ILLI
DTA

Eloing



DISSERTATIO
JVRIS PVBL. PRVTHENICI.
DE
PRUSSIA
NUNQVAM ET NULLI
TRIBUTARIA.

QVAM,
AUXILIANTE DIVINI NUMINIS GRATIA,
SUB AUSPICIIS
SERENISSIMI POLONIARUM REGIS,
AVGVSTI III.
MODERANTE
VIRO NOBILISSIMO ATQVE EXCELLENTISSIMO,
DN. GEORG. DANIELE SEYLER,
GYMNASII DRUSIACI RECTORE, PROF. PUBL.
ET BIBLIOTHECARIO,
IN AUDITORIO ATHENÆI MAXIMO,
A. O. R. MDCCXL. D. VII. APR. HORIS A IX. MATUTINIS,
PUBLICO AC PLACIDO ERUDITORUM EXAMINI
SUBMITTIT
AUTHOR RESPONSURUS,
ET MUSIS GYMNASII VALEDICTURUS;
SAMUEL FRANCISCUS GRÜTTNER,
ELBINGENSIS PRUSSUS.

AUGUSTÆ ÆLVEONUM.
EX OFFICINA PREUSSIANA.

JY 40.

Elbtag

DE O
ET
PRUSSIÆ
PATERIÆ
DILECTISSIMÆ,

OPTIMI PRÆSIDIS
OBITUM

SUMMA TRISTITIA MERITO

LUGENTI,

D. D. D.

AUTHOR RESPONSURUS.



2588

Pol. 8. II. 655



Qui patriæ studium studiis benè jungit amœnis,
Est meritis dignus laudibus ille suis.
Ergo tuos meritò conatus laudo, precorque
In Patria quondam præmia grata feras.

Hisce Dilectissimo Affini suo prosperrima
peregrinationis atque studiorum fata
ex animo apprecatur

DISP. PRÆSES.

Die Dichtkunst sprach zu mir: Auf! las dein Kiel sich
schräffen/
Des Autors Wissenschaft aufs beste zu entwerffen;
Ich aber gab darauf ihr folgenden Bericht:
Ein solcher Oedipus braucht meines Lobes nicht.

sc.

CAR. DAN. FUCHS,

Opp.

Elb. Boruss.

Splendida Tu patriæ generas præconia terræ,
Dum specimen studii protrahis usque Tui.
Quippe Borussorum generoso sanguine natus,
Libera continuo jura paterna probas.
Perge celebratis Prussorum insistere factis.
Obsecro, quod superest, prospera quæque Tibi.

Festinante vena Nobilissimo Dn. Re-
spondenti applaudebat

SIGISM. MICH. SIEFFERT,
Elb. Boruss. Opp.

Schreib! sprach die Poesie; Ich sagt: ich schreibe schon;
Schreib; Grüttner/ sagte sie: Dein Freund/ der
Musen Sohn/
Wird in der Feder einst den Hartknoch übergehen;
Im Reden Seyler seyn und Ihm zur Seiten stehen.

Hiemit wolte seine Hochachtung und aufrichtige
Freundschaft gegen den Herrn Versfertiger
dieser Dissertation bezeugen

PHILIPP. SCHRÖTER,
Elb. Pruss. Opp.

CONSPECTUS.

§. 1. Vetustissimi Prussiae Incolæ, Polonis penderunt. §. 23. Prussi
 Venedi. §. 2. Ut & Galindi, Sudini, & Stavani. §. 3. De eorum è contrario Masoviam vastarunt,
 Republica. §. 4. Testimonia Authorum de iisdem. §. 5. Fuit ipsis eamque sibi subjecerunt. §. 24.
 Respublica Popularis. §. 6. De Re. Nec Vladislaus Jagello, 1410,
 gibis Vendorum à Lazio recensitis post cladem Tannenbergensem,
 §. 7. In initio nullam plane Regiminis formam habuerunt. §. 8. Prussiam subegit, §. 25. sed par-
 Post Venedos Prussiam occuparunt tem modo occupavit. §. 26. Quæ
 Aestii s. Gothi. §. 9. Qui in initio Reges tamen semestri nondum elapso ad
 Reges habuerunt, postea autem Ordinem rediit. §. 27. Jus Imperii
 Rempublicam Popularem instaurarunt. §. 10. R. in Prussiam nullum. §. 28. An
 Julius Cæsar in Prussiam venerit, eamque reddiderit tributariam. §.
 §. 11. Aestii se Fabula
 conjunxerunt Porussi s. Borussi. Hofmanni, de Thorando, Romano,
 §. 12. Et hi rursus cum Alanis. Prussiae Domitore. §. 31. Refuta-
 §. 13. Regem sibi elegerant, & qui- tur. §. 32. Nec Otto III. Prussos
 dem Waydewuthum, Alanum imperio subjecit. §. 33. Origo Ju-
 quædam senem. §. 14. De filiis ris Imperii in Prussiam. §. 34. De
 Waydewuthi. §. 15. Eorum series. donatione Cruciferis ab Friderico
 §. 16. Fabulas hæc esse, testimonii facta. §. 35. Christianus Mona-
 comprobatur. §. 17. Prussi Aristocratico-Popularem Rempublicam chus, cum Pontifice de Prussis col-
 formarunt, & in Supanos & Plebe- loquium instituit, & in primum
 jos dividebantur. §. 18. De Supa- Prussiae Episcopum consecratur.
 norum horum Reliquiis. §. 19. §. 36. Ac cum Conrado Masoviæ
 Romani ex Wallachia in Prussiam Duce, Eästiferos Livonenses in au-
 veniunt, cumque cæteris incolis xilium vocat. §. 37. Hi Pactis con-
 sese conjugunt. §. 20. Prussos à fectis Prussiam invadunt, sed cæsi
 Boleslao I. Pol. Rege victos esse Livoniæ repetunt. §. 38. Chri-
 falsum est. §. 21. Nec Quercum sa- stianus Pontificem adit, & auxili-
 crami in Romove Boleslaus excus- um contra Prussos petit. §. 39.
 fit. §. 22. Nec Tributum Prussi Warpoda & Svavabuno, Nobiles
 Prussi, Christiano terras suas do-
 nant. §. 40. Crux contra Prussos

prædicatur. §. 41. Episcopus &
 Conradus Ordinem Teutonicum
 in auxilium contra Prussos vocant.
 §. 42. Hi advenientes Pacta ineunt.
 §. 43. Quibus confectis Magister
 eorum Hermannum de Balcke, Pro-
 vincialem cum copiis in Prussiam
 mittit. §. 44. Hi novis adhuc cum
 Conrado & Episcopo sanctis Pa-
 catis, Prussos invadunt eosque vin-
 cunt. §. 45. Forma Regiminis Or-
 dinis in Prussia, absolutam Magi-
 ster in Ordinem potestatem non ha-
 buit. §. 46. Nec Ordo etiam in in-
 colas, sed multis Prussorum immu-
 nitatibus limitatam. §. 47. Statuum
 Prussiae Auctoritas. §. 48. Novum
 consilium Pruthenicum instituitur.
 §. 49. Cruciferorum potestas in
 Prussos limitata non absoluta. §.
 50. Jus Imperii & Pontificis in
 Prussiam, ratione Cruciferorum
 nullum est. §. 51. Prussi Cruciferis
 ob tyrannidem obedientiam re-
 nunciant, & ad Regni Polonici
 transeunt castra. §. 52. Quia Rei-
 publicæ institutio viribus majus
 videbatur opus. §. 53. Casimirus
 IV. Pol. Rex Prussos in fidem re-
 cipit, salvis tamen Privilegiis. §.
 54. Errant, qui Prussiam Polonor.
 legibus vivere autumant. §. 55.
 Prussi enim peculiarem formant
 Rempublicam, & cum Polonis
 præter Regem, nil commune ha-
 bent. §. 56. Quæ de his notanda
 veniant. §. 57. Unio Prussiae cum
 Polonia Jura Provinciae non sustu-
 lit, sed potius roboravit. §. 58. Ca-
 simirus Consilium Prusicum & Gu-
 bernatorem Provinciae instituit. §.
 59. Johannes & Stiborius ab Baysen,
 primi Prussiae Gubernatores. §. 60.
 His demortuis Rex Ambrosum
 Pampowski, Gubernatorem nomi-
 navit, sed renitentibus Prassis, Pro-
 vincia Gubernacula ad Warm. Prä-
 sules pervenerunt. §. 61. Sigillum
 Gubernatoris Prussiae Civitati El-
 bingensi traditur. Ut & norma Re-
 giminis à D. Casimiro instituta. §.
 62. Jus Indigenatus. §. 63. Prussia
 à Vectigalibus libera. §. 64. Co-
 mitia, & modus contribuendi Prus-
 sorum peculiares, ut & de Thesau-
 rario eorum. §. 65. Prussi Generali
 bellica expeditione non ligantur.
 §. 66. Privilegia & immunitates
 Prussiae civitatum. §. 67. Leges
 Civiles Prussiae peculiares. §. 68.
 Quod circa Regimen Pruthenicum
 tempore interregni observandum.
 §. 69. Unio Lublinensis Veterem
 Prussiae statum mutavit, §. 70. non
 vero everit. §. 71. Quid Unio
 Lublinensis efficerit. §. 72. Nun-
 tii ex Prussia, generali mandato,
 & ex Generali Conventu ad Comi-
 tia Regni mittuntur. §. 73. Nobili-
 tatis Prussica, ad Tribunal Petri-
 coviense provocat, Civitates non
 item. §. 74. Epilogus.

* * *

Q. F. F. Q. S.

DE

PRUSSIA NUNQVAM ET NULLI TRIBUTARIA.



§. I. **A**ntiquissima historiarum Monumenta Vetustissimi
Prussiae
Incolae Ve-
neci, co-
rumque so-
de. indagantes, pristinos Prussiæ Nostræ Incolas VENEDOS fuisse, ubique cognoscimus. Hos illam Prussiæ partem, per totum Venedicum Sinum, ab illis denominatum, h. e. hodiernum mare Balthicum, vulgo *Die Ost-See*/ incoluisse, *Ptolomæus*, Vetustissimus Author, qui imperante Cæsare ANTONINO PHILOSOPHO vixit, testatur. a)

§. II. Alteram Prussiæ partem eo tempore tenuerunt GALINDI, SUDINI & STAVANI; teste Ut & Ga-
lindi, Sudi-
ni, & Sta-
vani. eodem *Ptolomæo*, & ex illo *Hartknochio*. b) Origo eo-vani. rum ex Scythia derivatur, è qua adscitis sibi Slavis egressi VANDALI, ad oram Maris Balthici inter ostia Vistule ac Albis amnium confedere, ubi modo Pomerania ac Mecklaburgensis, Prussiaque ditiones extenduntur. c) Galindi, Sudini, Stavani iidem sunt populi, qui aliis cum *Ptolomæo*, l.c. sub FENNORUM ac PEUCINORUM nomine veniunt, ut ex moribus eorum à *Tacito* recensitis aperte patet.

A 2

§. III.

a) Lib. 3. Geograph. p. 81. seqq. Edit. Græco-lat. Sansonii.

b) In Dissertat. de Originibus Prussicis, Dusburgo annexa.

c) Wolffg. Lazius, de migrationibus Gentium. L. XI. p. 600.

De eorum
Republica.

§. III. De forma Regiminis apud Venedos, altum ubique historicorum est silentium, & historia eorum, tantis tenebrarum obscuris nubibus convoluta jacet, ut nil fere sciamus, nisi quod Prussiam nostram, aliquando, & primi quidem incoluerint. De Fennis ac Peucinis, s. Galindis, Sudinis & Stavanis autem, ut & Venedis, eo tempore Masoviam jamjam, & adjacentes Regiones incolentibus, Tacitus ita scribit: d) Peucinorum, Vendorum, & Fennorum nationes, Germanis, an Sarmatis adscribam, dubito: Venedi multum ex moribus traxerunt. Nam quicquid inter Peucinos, Fenosque, Sylvarum & montium erigitur, latrociniis pereverant. Hi tamen inter Germanos potius referuntur, quia & domos figunt, & Scuta gestant. & pedum usu & pernitate gaudent, quae omnia diversa sunt Sarmatis, in plaustro, equoque viventibus.

Testimonia
Authorum
de iisdem,

§. IV. Quoniam autem ex his Taciti verbis, nihil adhuc de Republica eorum concludi potest; alios adhuc audiamus historicos. Procopius e) Seculi VI. post C. N. Author, de Antaris & Slavis, (iidem sunt cum Galindis, Sudinis, & Stavanis,) ac reliquis Veterum Vendorum Reliquiis; Antarum, Slavinorumque nationes, inquit, non ab homine aliquo uno reguntur, sed ab antiquo, plebejo communique libertate vivunt, & idcirco res omnes, quae vel inutiles sint, vel forte difficiles, in commune consilium deducuntur. De iisdem Dithmarus Merspurgensis f) qui Secl. XI. vixit, perhibet h. v. Illis Dominus specialiter non praesidet ullus, Unanimi consilio, ad placitum suimet, necessaria discutientes, in rebus efficiendis omnes concordant.

§. V.

d) Tacitus, libr. de Moribus Germanorum, cap. 46.

e) Procopius, de bello Gothicō, l. 3. cap. VII. pag. 542.

f) Dithmarus Mersp. l. VI. Histor. p. 136.

§. V. Si itaque Scriptoribus hisce fides (ut omnino) est, sequitur, nullius illos Imperium agnovisse, sed Rempublicam inter illos fuisse Popularem; h. e. quod urgente necessitate, omnia, quæ discutienda fuerint, ad communem totius populi conventum & consilium deduxerint, quo unanimi consensu omnia removerentur. Quam Reipublicæ formam, etiam nostro tempore Reliquias Vendorum, partem Lusatiae inhabitantes adhuc retinere videmus, qui nullum plane inter se Dominum pati, moresque ac vestes nullo modo mutare volunt, nec prohibente etiam Serenissima Aula Berolinensi, ut terræ istius Domino, tam ad ritus, quam Religionem Majorum recte mutandam, nec promissionibus, nec vi cogi possunt, sed clam parvam quasi formant Rempublicam, justitiam sibi invicem administrantes.

§. VI. Affert quidem *Wolffg. Lazius*, Historicus Imperialis Viennensis, Catalogum quandam Regum Venedorum, ad Vistulæ amneni; g) & recte quidem, sed hoc saltem de ipsis temporibus dici potest, cum postmodum è Prussiae oris migrantes, in magna illa temporum Metamorphosi, interiora Germaniae, Pannoniam, Hispaniam, ac Africam denique petebant, easque sibi regiones gladio ac flammis vastantes, subjiciebant. Iis temporibus quidem Ducem (*Heerfijter*) sibi elegerant, sed occupatis regionibus, hoc Duci munus statim abolerunt, Veterem Regiminis formam rursus restaurantes.

Fuit ipsis
Respublica
Populare.

De Regibus
Venedor.
à Lazio,
recensitis.

In initio nullam plāne Regiminis formam dum est, ab initio statim inter illos talem Politicam habuerunt. Regiminis formam extitisse, quin potius credibile est, eos in initio, more plurimorum gentium, nullam plāne servasse regiminis formam, sed quemcunque Herum, supremum in bona, uxores, liberos, servosque exercuisse dominium.

Post Venedos Prussiam AESTII ac AEL-
VEONES, alias etiam GÆTÆ s. GOTHI, quod
am occupa-
runt Aestii, Gothicæ essent originis & Religionis, dicti occuparunt.
s. Gothi, Qui Ductoribus, FILIMARO, & GEBERICO, ex
Scandia in Borussiam, ad Vistulæ amnem pervenere, h)
ibidem consedere, & expulsis Venedis, cum Galindis,
Sudinis, Stavanis sese conjunxere, ita, ut in unum
quasi corpus redacti sint, testibus: Aenea Sylvio, i) Era-
fmo Stella, k) Joh. Magno, l) Hugone Grotio, m) Johanne
Loccenio, n) Vincentio Kadlubkone, o) ut & Plinio, p)
Jornande alias Gordiano, q) Cassiodore, r) Eginhardo, s)
Cluverio, t) aliisque.

§. IX.

h) W. Lazius, de Migr. Gent. I. X. p. §§ 4.

i) In Descript. Europæ, c. 29.

k) Lib. I. & II. Antiq. Boruss.

l) J. Magnus, in Histor. Sveo-Gothica, I. I.

m) In Prolegom. ad Hist. Longobard. & Goth.

n) Joh. Loccenius, Antiquit. Sveo-Goth. lib. I. cap. I.

o) Kadlubko, I. 3. epist. 31.

p) Plin. I. 37. Hist. Natur.

q) In Historia Gothica, c. 23.

r) Lib. 5. Variar. Epistol. 2.

s) Eginhardus, in Vita Caroli M. cap. 12.

t) Cluverius, in Germania antiqua, lib. 3. cap. 44.

§. IX. Hos primum quidem, adventu in has ter-
ras, Reges suos, vel potius Duces habuisse, non est, Qui in ini-
tio Reges
quod dubitemus. Postea autem, extinctis his Regulis, postea au-
tem Rem-
publicam inter se popularem more Galindorum publicam
instaurasse eos, constat, ea tamen differentia, ut quod-
dam quasi quorundam ex Veteri Regum Prosapia instaura-
oriundorum Regulorum s. potius lingua Prussica, Su-
panorum, h. e. Nobilium, imperium, minime tamen
absolutum agnoverint: Ut inter alios testatur *Era-*
smus Stella: u) Sed & hanc regiminis formam paulo
post apud illos cessisse, Annales testantur.

§. X. Seculo enim post C. N. VI. Aestii s. Aelvoe-
Testimoni-
nes Prussici Delegatos quosdam ad THEODORI-
CUM, Gothorum Regem, tunc in Italia degentem, um de ipso-
dona ipsi de Succino ferentes, miserunt. Apud Caf-
fiodorum, l. c. etiam litterae THEODORICI Regis ad
Aestios remissæ, quibus illis pro dono sibi dato succi-
no gratias agit, leguntur, & hujus quidem tenoris:
HÆSTIS, THEODORICUS Rex; Illo & illo Legatis Ve-
stris venientibus, grande Vos studium noritiae Nostræ habu-
isse cognovimus, ut in Oceani litoribus constituti, cum No-
stra mente jungamini, svarvis Nobis, & admodum grata
petitio, ut ad Vos perveniret fama Nostra, ad quos nulla
potuimus destinare mandata. Ideo salutatione Vos affectuosa
requirentes, indicamus, succina, quæ à Vobis per horum
portatores dicta sunt, grato animo fuisse suscepta: quæ ad
Vos Oceani unda descendens, hanc levissimam substantiam,
sicut & Vestrorum relatio continebat, exportat. Sed unde
veniat, incognitum Vos habere dixerunt: quam ante omnes
bomi-

u) Erasmus Stella. l. I. Antiqu. Boruss. post medium.

homines Patria Vestra offerente, suscepistis. In his litteris THEODORICUS non unam, non singulas personas, sed Hæstos s. Æstios in genere appellat. *Cassiodorus* quidem titulum hujus Epistolæ, *Congratulationem ad quendam Sublimem, super susceptione transmissi muneric*, appellat; litteræ tamen ipsæ se non ad Sublimem quendam, vel Regem vel Regis uxorem, aut viduam, sed ad totum Æstiorum populum scriptas esse, testantur.

Æstiis se coniunxerunt Porussi, seu alia sibi quæsivere Regna, intravere, PORUSCI, s. BORUSSI. BORUSCI, à Ruffico verbo, *Pod*, h. e. lat. *sub*, quasi *Sub-Ruteni*, nominati, qui, teste *Erasmo Stella*, ex *Ptolomæo*, w) ad Riphæos montes, ubi in Septentrionem fusius excurrunt, nec longe, qua Tanais ex eis erumpit, sedes habuere, qua infelicitate sua conciti, (perpetuis namque nivibus algoribusque illic terra riget, ad omneque naturæ ministerium damnata est,) ad novas sedes capessendas patriam egressi, in hæc loca elapsi sunt, quæ tum soli fertilitate, tum pascuorum lacuumque amoenitate, ipsis, quam primum placuere, nec ultra progressi sunt, hic sedes unanimi consilio sibi desumentes. Quod volunt Nostrates Scriptores, circa annum R. S. C. 523, vel 550 accidisse. Occupatis Æstiorum relictis sedibus, Porussi hi, cum cæteris Æstiorum Ælveonumque Reliquiis, nec non Galindis, Sudinis, Stavanis, Sembis ac Scalavoniis, sese conjunxerunt, & in unum quasi corpus coaluerunt.

§. XII.

§. XII. Contigit interea, ut ALANI, Poruscis Et hi rursus cum Alanis, contermini, contra Imperium Romanum arma sumerent, ac post diurnas in Imperii fines excursiones, à SICAMBRIS comprimerentur, (quo bello Sicambri sibi & Posteris libertatem pepererunt.) Alani, qui cædi supererant, pars per Imperii terminos dilapsa, Hispanias usque pervenit, cum Gothisque illic belligerantibus se junxit, Pars vero imbecillior, quæ domi remanserat ac cæde patrata Patriam repedaverat, exuta præcipue Juventutis manu, sibi non satis in sedibus propriis fidens, cum uxoribus & filiis omnique servitorum multitudine ad Porussios conterminos fecessit, supellecilem tum omnem secum in carris ac plaustris trahens, tum etiam pecora, quorum proveniūt hæc Gens plurimum vicitabat, universa ac sese Porussiorum fidei & tutelæ commiserat.

§. XIII. Nec ipsi à Borussiis repulsi, quod eorum Regem sibi multitudine adacti, facilius quibusvis populis resisterem posse crederent. Concesserunt itaque Alanis eligerunt, & quidem Waydewuthum, Alanum quædam senem. cohabitandi Jus, qui rursus Porussiis mulierum sua-rum coitus permisere; connubia enim nulla habuere, sed ut quisque in mulierem incidit, ea ad Venerem uti licebat, qua re brevi tempore in eam multitudinem coaluere, ut quoçunque contingentes populos superarent. Ex ea tandem multitudine cœperunt inter se angustia finium premi, utcunque enim placuerat, ac commodum quisque ratus, tantum terræ sibi quisque desumpserat, unde rixis variis inter se dissidere cœperant, quæ plerumque cædibus transigebantur. Id Populum hunc agrestem, inter se discordem, in eo concordem fecit, ut de Rege sibi constituendo

conventus agere cœperint, ubi pro cruditate populi varia undiquaque ea de re dicta agitataque sunt. Tandem WAYDEWUTHUS, Alanus quidam Senex, qui cæteris & dignitate & vigore animi præstabat, (magna enim Servitorum classe abundabat, unde etiam sibi in alienis Terris autoritatem non modicam acquisiverat,) eos exhortatus fuit: *Ut exemplo apium, quos Regem habere viderent, Regem sibi etiam eligerent, qui rixas inter illos dirimat, cædes ultiscatur, furta puniat, innocentiamque tueatur.* Hi ita non morantes, cuncti dictis ejus ingenti sublato clamore assensere, illumque ut *Bojoteras* eorum (h. e. Rex) esse velit, rogavere. Et Is nec vocem aspernatus, omnium ore Rex salutatus est. x)

De Filiis
Wayde-
wuthi.

§. XIV. Accepta Regia dignitate Rex WAYDEWUTHUS, & Frater ejus PRUTENUS, ad vivum Regni fasces tenuerunt, populoque leges & statuta præscriperunt ac quiete regnarunt. Demortuis autem his duobus Fratribus, Prussia quidem inter Filios WAYDEWUTHI dividebatur, sed jam restriictior tunc fuit horum Ducum atque Principum potestas, cum Optimatibus nempe & ipso populo communicata. Et tandem cum tempore, Familiæ hæ Ducum atque Principum in Prussia multiplicatae, ditionum divisione, dignitatem & potentiam ita tenuiorem reddebant, ut non diu posthac pristinus splendor & Imperium Regium plane exolescerent.

§. XV.

x) Hartknoch, im Alter und Neuen Preussen/ Part. I. cap. XV.
pag. 235. 236. seqq.

§. XV. Sunt quidam, & plurimi quidem recentiorum ante *Hartknochium*, Scriptorum, qui duodecim WAYDEWUTHO filios fuisse dicunt, à quibus ditiones & districtus Prussiae nomina traxisse feruntur: Ut à *Saymo*, s. *Sambo*, *Sambia*, & ab ejus uxore *Prægolla*, fluvius *Pregell*; ab *Nadrone*, *Nadrovia*; ab *Sudone*, *Sudavia*, s. *Sudinia*; ab *Schalavone*, *Schalavonia*; à *Natangone*, *Natangia*; à *Bartone*, *Bartonia*; à *Galindo*, *Galindia*; à *Warmone*, *Warmia*; vel ab ejus uxore *Ermia*, *Ermelandia*; ab *Hoggone*, *Hockerlandia*, vel ab ejus Sorore *Poggia*, *Pogesania*; à *Pomesone*, *Pomesania*; à *Culmone*, *Culma* s. *Culmeria*, & à *Lithuone*, *Lithuania*.

§. XVI. Sed hæc omnia meras esse fabulas, unusquisque paululum modo priora inspiciens facile per-
spicit. Nequaquam quidem negari potest, WAY-
DEWUTHUM olim in Prussia Regem extitisse, in
quo & omnes Prussiæ Historici, *Hartknochio* excepto y)
consentient, sed quæ de Numero filiorum ejus nar-
rantur, procul dubio fictitia sunt. Galindos enim,
Sudinos, Schalavonos & Sembos, aliosque jam ante
WAYDEWUTHI adventum has terras incoluisse,
supra jam dictum est. Et idcirco Appellationes Pro-
vinciarum Pruthenicarum non tam à WAYDEWU-
THI filiis, sed potius ab gentibus ipsis originem tra-
xisse credo. In quibus præter alias Nobl. DN. FRI-
DERICI ZAMEHLII, Conf. Elb. & Com. Palat. Cæs.
sententia placet, idem annuens sequentibus: z)

B 2

Quid

y) Hartknoch, in *Dissert. de Originibus Prussicis*, Düsburgo annexa.

z) Fr. Zamehlii, *Monumentum Familiae*, quod cum cæteris ope-
ribus, Elbinge 4to, prodiit.

Quid porro exclamem? quo sint in origine Nugæ?

Quo totidem fratres à WAYDEWUTHO sati?

Ille quidem fuerit, Numerum tamen edo minorem,

Nomina post populos, quis putet esse satos?

Sudinæ Gentes, & Res Galinda vigebat,

Cum nondum Scythicus, legit eleætra puer.

Quod vero *Hartknochius*, ex WAYDEWUTHI & PRUTENI, appellativorum in Prutenica lingva vocabulorum, Prudentiæ scilicet & scientiæ significatiōne, suspecta & ideo fabulosa esse nomina, arguit, hoc quidem audacter nimis facit. Atqui priscis seculis, ab ipsis Patriarcharum temporibus, mox invaluerat, à Virtutibus fere suis Principibus, vel aliis quoque liberis recenter natis, nomina imponere. Quod porro scriptores illi neque in tempore istorum Regum, neque in numero filiorum WAYDEWUTHI, aliisque circumstantiis congruant, hoc eo magis probat, illos non coeca fide alios exscriptissim, sed è diversis monumentis aut traditionibus historiam hausisse.

Prussi Ari-
stocratico-
Popularem
Rempubli-
cam forma-
Supanos &
Plebejos di-
videbantur.
§. XVII. WAYDEWUTHO itaque PRUTE-
NO, ac WAYDEWUTHI prosapia extincta, *Aristo-*
cratico.-Popularis in Prussia extitit Regiminis forma;
Monarchica plane abolita, ita ut nullum postea inter-
runt, & in se Dominum absolutum pati voluerint, teste *Helmo-*
do, a) ut & *Adamo Bremensi*, b) qui, *Homines*, inquit:
cœrulei facie rubra, & criniti, præterea inaccessi paludi-
bus, nullum inter se Dominum pati volunt. Hæ undecim
enim Prussiæ partes s. Provinciæ, undecim etiam par-
vas. formarunt Republicas, ita ut hæ partes nullam
aliam

a) *Helmodus*, l. 1. Chron. Slav.

b) *Adam. Bremensis*, in lib. de Situ Daniæ.

aliam habuerint communionem, quam Deorum Cultum, qui in medio Regionis in urbe RYCKOJOT seu ROMOVE, in Natangia, ubi postea Monasterium S. S. TRINITATIS fuit, nunc vero pagus Lib. Bar. à KITTLITZ, Groß-Waldau/ conspicitur, c) sub quercu stupenda magnitudinis, ac hyeme æstateque æque viridi, servabatur. Postea etiam in unaquaque parte præcipui Nobiles ac Principes erant, quos Privilegium Bartensteinense à Cruciferis anno 1332 concessum Reges, Hartknoch d) vero Regulos, & rectius appellat. Distinguendum enim inter Reges absolutos, Monarchas, & Regulos s. Nobiles, qui lingua Prussica *Spani*, à Slavico verbo *Span* nominabantur, & separatis terras suas regnabant. Belli autem tempore *Spani* hi ex omnibus undecim partibus, convocato ac consulato populo, vires suas conjunxere hostemque toto exercitu debellavere.

§. XVIII. Et adhuc Ordinis Teutonici adventu De *Spani*-
hi *Spani* per totam Prussiam dispersi habitabant. Ho- rum horum
rum ex numero etiam fuit HAGELL, qui in monte Reliquis,
aliquo, (ab illo *Hagels-Berg* dicto) non procul Gedano sedem suam habuit; e) Ut & GELLENS, cuius domicilium Cruciferi à fundamentis proruerunt, ex quo Urbem *Gilgenburgum* ædificarunt. Præsertim autem Sudavia Principibus hisce s. Nobilibus abundavit; f) Ut sunt: SCUMANDUS, WAYDOLE, CANDIGANDAM, SCURDO, aliique; In Pomesa-

c) Das erläuterte Preussen/ Tom. III. pag. 284.

d) Hartknoch, im Alt- und Neuen Preussen/ Part. I. Cap. XV.

e) Casp. Schütz. Preußische Chronicle/ l. I. p. 6.

f) Hartknoch, Alt- und Neues Preussen/ l. II. c. 4. p. 543.

nia e. g. PERWAN, de quo Gens Nobiliſſ. PER-BANDORUM originem trahit; RECKIS; ut & SA-MILE f. CZAMILÉ & CZAMEHL, de quo Nobiliſſ. Dom. ZAMEHLII *Auguste Aelveonum* nomen & ge-nus ducunt; qui in Pago, hodie Pronen dicto, bona ac fedem habuit. g) Nobilibus proximi erant Cives & Plebeji in Civitatibus, Oppidis & Pagis, quos No-bilitate etiam (hostibus repulsis) donatos fuisse, Dus-burgus h) aliique teſtantur. Comprehensus aliquis in furto pro prima vice virgis cæſus est, pro secunda fustibus, tertio canibus dilacerandus objiciebatur. Homicidam sine misericordia necabant.

Romanis, ex Wallachia Prussiam intrant, & Hartknochio, credens addo: i) Romanos ex Wallachia cum coete-egressos, Lithuaniamque occupantes, partem etiam ris incolis Prussiæ nostræ, quamvis non magna manu intrasse, cum coeterisque incolis fese coniunxisse, quod par-tim ex quibusdam lingvæ Prussicæ (latinæ nimirum originis) vocabulis, partim etiam ex ritibus, usu nimirum Balneorum quotidiano, funeribus, exuſtione mortuorum cadaverum, aliisque; & præcipue ex no-mine Prusorum Metropolis ROMOVE f. ROMNO-VA, ubi & CRIVE-KYRWAYTO f. Pontifex eorum habitabat, conſtat. Romanos enim in Wallachiam seu Daciam, tempore TRAJANI, Imperatoris, Colonias mi-

g) Vid. Fr. Zamehlī, Monument. Familiae, 4to. Plura autem de Veterum Prusorum Supanis eorumque nominibus, T. I., des Erlaut. Preuſſen/ p. 269. ſequ. legi poſſunt.

h) Dusburg, Chron. Pruſſ. p. III. c. 4.

i) Hartknoch, Alt und Neu Preuſſen/ P. I. c. III. p. 74,

misisse, *Eutropius* testatur; k) e qua deinde ob multitudinem, & caesi à Slavis, egressi, Lithuaniam Prussiamque partem occuparunt, l) & in memoriam Patriæ Urbis ROMÆ, Urbem ROMOVE s. ROMNOVAM duplarem, in Lithuaniae æque ac Borussia, ædificarunt, m) teste *Alberto Wijuk Kojalowitzio*. De ROMNOVA Prussica, *Petrus de Dusburg*: n) Fuit, in medio, inquit: *Nationis* hujus perversæ, scilicet in Nadrovia, locus quidam, dictus Rōmavv, trahens nomen suum à Roma, in quo habitabat quidam, dictus Crive, quem colebant pro Papa. Item Auctor Chronicorum Ordinis, vulgo der Ordens-Chronikke / in Vita Hermanni à Saltza, fol. 28. his verbis: Auch hatten sie in diesen Landen heidnische Pfaffen und einen sonderlichen Papst / welchen sie für heilig hielten/ nach ihrer heidnischen Weise. Derselbe Papst hatte allezeit seine Wohnung auf Sammland und Nadrauen/ in einem Dorff Rōmavv/ nach Rom genannt. De ROMNOVA vero Lithuanica hæc apud Dusburgum l. c. p. 254 leguntur: Fr. Ludovicus de Libenzelle, navale bellum multiplex habuit, unum versus Antechiam, terram Regis Lethovinorum, in qua villam dictam Rōmavv, quæ secundum ritus eorum sacra fuit, exussit.

J. XX. Poloniæ hic Scriptores plurimi, & fere Prussos à omnes, Prussos hos Veteres à BOLESLAO I. CHRO-BRY, Poloniæ Rege ac Successoribus ejus debellatos, victos esse, subiectos ac tributum pendere coactos fuisse, asse-falsum est. runt. Sed caret hoc assertum probationibus, nunquam

k) Lib. 8. in Adriano.

l) Curaeus in Annal. Silesiae, p. 36.

m) Kojalowitz, P. I. c. I. p. 21. Hist. Lithuaniae, ut & l. 2. p. 31.

n) Dusburg, p. 3. c. 5.

quam enim Reges Poloniæ, in actis suis & Pactis cum Cruciferis, aliisque, quicquid dominii in Prussiam prætendere, nec Hæreditarii Prussiæ titulo uti fuerunt ausi; donec tandem A. 1454 Status ac Ordines Prussiæ à Cruciferis defecere, Polonisque se juxtere, tunc demum CASIMIRUS IV. ac Successores in Regno Poloniæ se hæreditarios ac naturales Prussiæ universæ Dominos appellare cœpere. Et licet fortia BOLESLAI I. Regis, meruerint facta, ut titulo sepulcri in Ecclesia Posnaniensi, inter devictos ab eo populos Prussi quoque scriberentur, referentibus *Staravolscio.*
o) & *Lubiensko.* p)

*Tu possedisti, velut Athleta Christi,
Regnum Slavorum, (i. e. Russorum) Gothorum, (i. e.
Prussorum) & Polonorum.*

Ubi Gothorum nomine Prussos intellexerunt, de quibus supra jam diximus. Nihilominus tamen neque BOLESLAUS iste totam unquam adiit Prussiam, & non nisi vicinos Poloniæ Prussos, cladibus affectos, donec vixit, metu magis, quam imperio continuit; quo mox ab obitu ejus soluti Prussi arma in Poloniam resumpserunt. Illud quoque, quod *Dlugossus* q) ac *Sarnitius* r) de columnis ferreis in limitaneo Regni fluvio Pruthenico Ossa à BOLESLAO I. positis narrant, evidenter probat, ultra Culmensem terram Regem istum sibi nihil de Prussia arrogasse; cum Prussiæ Provinciæ cæteræ Polonis ultra Ossam sitæ sint.

§. XXI.

o) Starovolski, *Monumenta Sarmatarum*, p. 447.

p) Lubienski, *Vitæ Episcop. Plocenium*, p. 315.

q) Dlugossus, L.II. Hist. Pol.

r) Sarnitii, *Annales Polon.* l. 5. cap. 5.

§. XXI. BOLESLAUM I. item, in medium usque Nec quer-
Prussiæ penetrasse, quercumque in ROMOVE sacram cum Prussis
exuississe, quod quidam Poloniæ scriptorum & Hen- sacram in
nenberger s) asserunt, fabula est. Hanc enim querum, Romove,
adhuc Ordinis Teutonici tempore immutatam flor- exuissit Bo-
isse, à Prussisque, quamvis clam & cum timore adora- leslaus.
tam fuisse, annales testantur. *Thomas Tretterus* t) eam, jussu JOHANNIS I. Episcopi Warmiensis, & Magistri Ordinis, WINRICI à KNIPRODE, ab Ordinis Mar-
schalco Supremo HENRICO SCHINDEKOPF, ex-
cissum esse, ex Archivi Warmiensis Annalibus evi-
denter probat.

§. XXII. Tributum autem quod attinet, nullus Nec Tribu-
Poloniæ Scriptorum, Prussos vere tributum unquam tum Prussi
pendidiſſe, aut Tributi Summam fide demonstrat, vel Polonis
demonſtrare potest. Si Prussi Polonis Tributum pen- runt.
didiffent, ac tota Polonorum jugo Prussia subjecta fu-
isset, certe BOLESLAUS corpus S. ADALBERTI,
Martyris, Prussorum Apostoli, quem Prussi Diis suis
gentilibus nimium addicti, prope oppidum *Fischbau- ſen* trucidarant, & ad cuius necem ulciscendum, Rex
bellum susceperebat, vi abstulisset, nec tanta pecuniæ
summa, ut litteris proditur, & quantum ipsum ADAL-
BERTI corpus librabat, solvisset. Et quanquam po-
stea Prussi à BOLESLAO II. AUDACE, & BOLE-
SLAO III. KRZYWÓVSTO, vix aliquot cladibus
retusi, ac quandoque etiam victi cernerentur, tandem
Polonus sub MIECISLAO III. & Fratre BOLESLAO

s) Hennenberger, Beschreibung von Preussen und der Hochmei-
ster/ fol. 12.

t) Thom. Tretterus, in Vita Johannis, I. Episc. Warmiens.



IV. CRISPO, exercitibus eorum, in loca uliginosa astu pertractis, tanta clade affecerunt, ut Ducibus & plurima exercitus parte extincta, reliqui misere in Patriam revererint, in qua etiam acie HENRICUS, Dux Sendomiriensis, CRISPI Frater, & BOLESLAI III. filius, fortiter pugnans occubuit, quod & præter Prussiæ, Poloniæ affirmant Scriptores ipsi. u)

Prussi è
contrario
Masoviam
vastarunt
eamq; sibi
subjece-
rant.

§. XXIII. His peractis, cum fortuna crevit & animus Prussorum, ita ut non solum contra omnes vi-
varunt, eorum Polonorum, aliorumque incursionses tuti
eamq; sibi essent, sed illorum etiam Regionem adire, invadere,
eosque debellatos sibi subjicere possent. Masoviam
enim ferro & flammis ita longe lateque vastabant, ut
exercitibus Masoviorum ad internectionem usque de-
letis, & Duce eorum capto, tributoque ipsis imposito,
Masoviam sibi, solo Plocensi arce excepta, subjece-
rint. w) Ne autem ultimum malum priori pejus eve-
niret, ac Masovii auctis viribus, Prussorum jugum ex-
cuterent, paulatim etiam non solum munitiones &
propugnacula struere, armaque sibi à vicinis Germaniæ
populis comparare; sed delectam etiam Juventu-
tis suæ manum in varia re militari diligenter exercere
cœperunt. x) Quo & evenit, ut cum posthæc Ordo
Teutonicus, contra Prussos hos militaret, illi quin-
quaginta tribus annis vix vici potuerint. y)

§. XXIV.

u) Kadlubko, l. III. ep. 31. p. 374. it. Neugebauer, Hist. Pol. I.
III. p. 107. seqq. aliique.

w) Poln. Bibliothecæ/ P. IV. p. 307. Conf. Daubmanns Preuß-
sische Chronicle/ P. II. c. 2.

x) Dusburg, Chron. Pruss. p. 2. c. 3.

y) Idem, part. 3. cap. 3.

§. XXIV. Nec altera Polonorum objectio, Prus-
siam anno 1410. post Cladem Tannenbergensem à
VLADISLAO JAGELLONE, Poloniae Rege, do-
mitam, Regnoque subiectam fuisse, locum habere po-
test. Negari quidem nequit, Cruciferis anno 1410 ad
Tannenbergam, sub Magistro ULRICO de JUN-
GINGEN, immanni clade succumbentibus, maximam
Prussiae partem Panico terrore perculsam Victoris
VLADISLAI JAGELLONIS, Regis, gratiam per
Deputatos suos quæsivisse, multas etiam arces ac op-
pida primo terrore, Polonis à Civibus & ipsis Crucifi-
feris præsidiariis dedita fuisse. Nihilominus interioris
Prussiae castra & oppida nullum præsidium Polonicum
acepisse, & descendantibus ab obsidione Marienburgensi
Polonis uno semestri spatio, omnia fere castra
dedita aut ultro ad Cruciferos rediisse, aut vi expu-
gnata, ipsoque Thorunio & Elbinga præsidia Polonorum
exacta fuisse, annales loquuntur.

§. XXV. *Dlugossus* quidem z) anno 1410. univer- Sed partem
fas terrarum Prussiae, Pomerelliae, Michaloviensis & Cul- modo ec-
mensis, Civitates, oppida atque castra in potentiam
Regis VLADISLAI, inquit, dedicata fuisse, præter ca-
stra, Marienburg, Radzin, Gdansk, Swiece, Czlochau,
Brandenburg, Balga, Ragnit & Memel. Et propterea ibi
omnes enarrat Præfectos Polonos, quibus Rex Civiti-
tates, oppida & castra, etiam Regiomontum & Gedanum,
regenda contulit. Sed *Dlugossus* in eo genti suæ pla-
cere voluit, aut memoria Diariorum lapsus fuit. Nam-
que *Johannes Lindenblat*, Officialis Riesenburgensis, vel

ut alii volunt, Episcopus Pomesaniensis, qui tunc vixit, in Chron. suo MSCto. a) ad annum 1410. postquam satis ineptum terrorem Civium & præsidiorum in Civitatibus, oppidis atque arcibus, adeoque ipsorummet fratum Ordinis Cruciferorum perstrinxisset, quod audita clade suorum certatim Regi VLADISLAO se se dederint, in his quatuor Episcopi Prusiaæ, quos propter simul cum cæteris deditiis insano metu fœdifragos Domino suo, nempe Ordini, factos increpat, tamen *Regiomontum* & *Gedanum* æque sicut *Marienburgum* & alia castra supra dicta non fuisse dedita, sed præsidiis Cruciferorum constanter occupata castra & civitates afferit. *Hennenberger* autem castra quædam, & in illis *Gedanense*, ita subjectionem Regi promississe, si sedem Ordinis *Marienburgum* occupaverit, ex Chronicis refert, cui *Dlugossus* d. l. p. 278. palmam premit. Quod cum Rex post longam obsidionem inglorius dereliqueret, & illa castra fide data liberata, cætera eodem semestri aut ultro vi à Cruciferis recepta fuissent.

Quæ tamen §. XXVI. Inanis vero *Dlugossi* gloria est, quod ex semestri Polonis Proceribus, etiam *Regiomonto* Ducem ALENDONUM e-
XANDRUM Lithuanum; *Gedano* TULISKOVIUM,
Ordinem Castellanum Calissensem à Rege Præfectos fuisse, ja-
ctet, qui mox sequenti pagina ob plus habendi cupi-
ditatem, Polonos transversos actos, VLADISLAUM
Regem spe majoris quæstus, magnæ felicitatis caligine
cœcum & victoriæ insolentia tumidum; pacem pe-
tenti Magistro HENRICO REUS à PLAUEN re-
spon-

a) Teste B. Magnif. Dn. Braunio, Consil. Pruss. in MSCtis.

spondisse, rectius arguit. Quæ divina & humana lege sua & Regni Poloniæ semper constitit & constat fuisse; (nempe Prussiæ & Pomerelliæ provincias) justa deditio ad eum recedisse. Nunquam autem antea constitit, Prussiam ad Poloniam à condito mundo pertinuisse; & hæc post infelicem pugnam facta deditio interiora *Natangie, Sambie, Nadavia & Schalavoniae* Provincias plane intactas reliquit, cætera Prussiæ *Mariaburgum* versus tantum usque ad liberatam sedem illam Cruciferorum duravit.

§. XXVII. Pertinet hoc etiam Controversia illa, *Jus Imperii Prussiam* nempe antiquis temporibus Imperio Romano-Germanico fuisse subjectam. In Diplomate enim FRIDERICI II. Imperatoris Cruciferis super Terras Prussiæ concesso expressis legitur verbis: *quod Terra ipsa* (nempe Prussia) *sub Monarchia Imperii fuerit contenta*, h. e. Prussiam antiquitus sub jurisdictione, in fide & clientela Romanorum Imperatorum fuisse. Quod & *Wurffbain* somniat, b) CONRADUM nempe, tunc temporis Masoviæ Ducem, ab Imperatore FRIDERICO II. auxilia contra Prussos petiisse, illaque etiam ab eo impetrasse, ita tamen, ut Ordinis Teutonici Magister auxilia hæc CONRADO adduxerit. Quamobrem Supremum hunc Ordinis Magistrum ab Imperatore etiam has Prussiæ Terras, *veluti vetus & indubitatum Imperii Jus*, in feudum accepisse, Romanorumque Imperatorem tanquam feudi Dominum agnovisse, afferit. Sed nullius plane momenti sunt hæ objectiones; paululum enim Diplomata modo Ve-

R. in Prussi-
am nullum.

tera c) & transactiones inter CONRADUM DuceM.
& Cruciferos inspicientes, nullibi DuceM hunc Ma-
soviæ ab Imperatore FRIDERICO II. sed potius ab
Ordine Cruciferorum ipso auxilia petiisse inveniemus.

An Julius Cæsar in Prussiam sub Romanorum potestatem ac in eorum fidem & venerit, e- clientelam pervenerit, nullus plane Scriptorum nec amq; red- extraneorum, nec domesticorum adhuc rite demon- butariam, strare potuit. Non quidem desunt, qui Prussiam à Primo Romanorum Imperatore & Monarcha, JULIO CÆSARE, victam domitamque fuisse dicunt, sed per- peram: JULIUS enim CÆSAR nunquam ad usque Prussiæ oras pervenit, multo minus Prussos domuit Imperioque Romano subjecit, ut ex Commentario de Rebus suis gestis, ab ipso conscripto aperte patet. JULINUM enim in ostiis *Viadri*, antiquis temporibus Urbs celeberrima, nunc vero adeo vastata, ut nec locus, ubi steterit, nec rudera ejus visantur, terminus expeditionis fuit CÆSARIS, ubi & Statua ejus con- spiciebatur.

An Drusus Germanic9 aut Domitianus Cæsar. **S.** XXIX. Nec majoris fidei illorum est commen- tum, qui DRUSUM GERMANICUM, Romanorum Exercituum DuceM, magna classe in Prussiam venisse illamque sibi totam tributo imperato subjecisse per- habent. Quorum sententiam inter alios etiam secutus est *Erasmus Stella*, d) qui & DOMITIANUM CÆSA- REM in expeditione, quam contra Sarmatas, quod legionem cum legato necarant, instituit, Prussiam ar- mis

c) Hæc Diplomata Vetera, & transactiones, in Actis Borusi. T. I.
II. III. sparsim legi possunt.

d) *Stella Antiquit. Boruss. ante medium.*

mis vicisse tributumque eis de Succino imposuisse, asserit. Sed nec DRUSUS GERMANICUS, (vel ut alii apud Tacitum e) legunt, DRUSUS & GERMANICUS) nec DOMITIANUS CÆSAR, unquam Prussiam nostram armis suis attingerunt, multo minus vicerunt. Omnia enim, quæ hac de re à DRUSO GERMANICO narrantur, meras sapiunt fabulas, nec nisi errores veterum Scriptorum arguunt, qui in Plinio, f) DRUSUM GERMANICUM classe quadam, Insulam maris Septentrionalis quandam, Glessariam appellatam, (quam Erasmus Stella l. c. falsissime Prussiam esse autumat) occupasse eamque Imperio Romano subjecisse, legerunt. Optime hanc Stelle sententiam rejecit FRIDERICUS Lib. Bar. de DANCKELMANN, g) minime Prussiam unquam Glessariam appellatain fuisse, sed hanc eam esse insulam, quæ hodie DE STRAND vocatur, ex Cluverio h) aliisque annuens. DOMITIANUM quod attinet CÆSAREM, nunquam hic Prussiam usque pervenit, sed debellatos modo Sarmatas vicit, nec totam etiam subegit Sarmatiam, sed fines modo eorum ingressus, in Viscera Sarmatiæ nunquam penetravit. i)

§. XXX.

e) Tacitus, in Annal. Histor. & Vita Agricolæ passim.

f) Plin. l. 37. c. 3.

g) Vid. Friderici, Lib. Bar. de Danckelmann, Dissertat. de Rebus atque Incrementis Prussorum, 1708. Lugd. Batavor. habita-
tam, pag. 13 & 14.

h) Cluverius, in Germania Antiqua, l. 3. cap. 23.

i) Vid. Viti Cl. G. Wendii Dissert. duæ, de IV. Imper. Romanor. Nummis in memoriam Victoriae, olim de Sarmatis reportatæ, cisis, T. I. Meletematum Thorunensium, à Petr. Jænichio, Rectore Gymn. Thorun. p. 9. seqq. annexæ, ubi & Nummi delineati cernuntur. it. Dissertat. de origine gentis Borussicæ, Francof. ad Viadr. 1708. impressa, & T. I. Actor. Boruss. p. 637. adjecta.

Fabula Ho-
fmanni de
Thorando
Romano,
Prussiae
Domitore,

§. XXX. Præter hæc aliam adhuc expeditionem Romanam contra Prussos enarrat Abr. Hofmannus, Lau- Romanus, sannensis, Historicus Imperialis Viennensis, in *Historia de Origine: Initio & antiquitate egregii ac præclari eth- nici templi, quod fortis Heros & Nobilis Romanus THO- RANDVS, post reportatam victoriam, ac devictis quibus- dam populis Barbaris, in præclaram & primariam Urbem Thorun, s. Thorunium, in Prussia, anno 725. exstrui & ex- ornari fecit.* k) Quam historiam sequentibus Hofmannus exponit: *Fortis Exercituum Dux & Nobilis Romanus THORANDVS, ut Magnanimus Heros, devictis magna vi bellica, Borussis, ac spe fretus, Romano eos subjicere Imperio, castra sua in introitu terræ istius metatus est, ac legatione cum reportatis Victoriis Romam missa, statim prope arcem suam principalem, in Urbe Thorunio, in honorem, & gra- titudinis ergo. Idolo suo VENERI, quam BARTHEMIAM appellabat, permagnificum exstruxit templum, quod & per 500 annos intactum remansit, in quo omnia aurata, adamanti- busque exornata nitescebat, & in quo etiam Idolo huic VENERI, multum quotidie honoris servabatur. Idolum hoc speciem Virginis prebuit, amœna oculorum serenitate, niveo corpore, ac fluenter per genua usque undantibus capillis, capite corona ornato myrrhena, ac rubris ubicunque rosis in- cincta, os illius ridibundum rosa obserata; cor autem igneis facibus, vel potius radiis condecoratum erat, ita tamen, ut per apertum latus, cor in corpore conspici posset. Sinistra manu, in forma globuli, mundum in cælum, aquam & ter- ram divisum; dextra autem tria alia poma comprehendebat aurea.*

k) Hanc Historiam, 1616. Budislæ impressam, Author Magistra- tui Thorunensi dedicavit, & pro vera obrudit. Vid. Hart- knoch, *Alt und Neu Preussen/ P. II. cap. III. p. 368.*

aurea. Vehebatur in curru aureo, à duabus albis columbis & duobus cygnis portato. Currum tres egregiae Virgines brachiis transversim obliquatæ, altera alteris duabus poma itidem aurea tradente, cingebant. Hæc testimonio Hofmanni, vetus quoddam Prussiæ Chronicorum D. Fabri, fol. 237. annotavit. Qui item Hofmannus Johannem Turpinum, fol. 347. & Albertum Crantzium citat, cuius Mauritium Brand, in Chronicis suis fol. 563. mentionem fecisse, dicit: Ita ut juxta Hofmanni sententiam Heros hic Romanus THORANDUS (si unquam extitit) non solum Prussos vicerit, sed Thorunium etiam proprio concessò nomine ædificaverit.

§. XXXI. Sed quam exiguo hæcce nitantur talo, Refutatur, unusquisque, qui unquam compendium modo sive Prussicæ f. Romanæ historiæ, non dicam legit, sed modo pervolvit, facile perspicet. Si enim templum istud per quingentos durasset annos, Cruciferorum adhuc tempore non solum templum, sed urbs etiam stetisset. De quibus autem tam in Scriptoribus Prussiæ & Poloniæ, quam etiam Germaniæ, ac in veteribus Privilegiis, Diplomatibusque altum ubique est silentium. Et nec THORANDUM unquam in mundo extitisse, cum Hartknoch^{io} credo; qui neque in Turpino, neque Crantzio quicquam huic historiæ simile inventire potuit. De D. Fabro & Mauritio Brand autem nihil loqui, & ne nomina eorum unquam audivit; quanquam multum ad cognoscendos Prussiæ Scriptores operis sibi dederit. I) Et sane miror, Hofmannum, ut Imperialem Historicum, non plus scientiæ in antiquis

D

tiquis

I) Hartknoch, Alt und Neues Preussen/ p. II. cap. III. p. 368.

tiquis possedisse historiis, quod hanc anilem fabulam non ipse modo crediderit, sed &, ut specimen historiæ Thorunicæ (quam & jamjam se absolvisse dicit, ut in dedicatione gloriatur) Urbi Thorunio dedicaverit, ac pro verissimo & ex optimis Scriptoribus congesto obtruderit.

Nec Otto
III. Prussos
imperio
subjecit.

§. XXXII. Nec objici posse videtur, quod *Wurffbain* m) & *Schurtzfleisch* n) aliquie Germaniæ Scriptores somniant, OTTONEM III. Imperatorem nempe Prussos vicensse Imperioque subjecisse Germanico. Dici hoc quidem, sed neutiquam idipsum antiquorum historicorum potest probari testimoniis, neque ullis confirmari argumentis; Ut illud inter alios Nobl. Vir Juvenis, CAROLUS ERNESTUS RAMSEY, Elb. Amicus conjunctissimus, in Oratione Valedictoria: *De Elbinga Imperio Romano nunquam subiecta*, Anno 1739 d. XI. Martii, in Gymn. Elb. publice habita & adhuc MSCta, erudite evicit. Et quanquam illud etiam *Schurtzfleischius* l. c. ex *Helmoldo* o) probare annititur, probari tamen nequit. Inspiciamus enim *Helmoldum* modo l. c. aperte exinde patebit, hæc non de OTTONE III. sed BOLESLAO I. CHROBRY, Polon. Rege, (cujus expeditionem supra jam memoravimus) OTTONI tunc fœdere & amicitiae vinculo juncto, dicta esse. Quod de CAROLO M. Aventinus p) enarrat, fabula est, nec refutatione indiget, sed de se ipso corruit.

§. XXXIII.

m) *Wurffbain*, in relat. histor. p. 6.

n) *Schurtzfleisch*, in *Dissertat. de Rebus Prussicis*, §. 2.

o) *Helmold. Chron. Slav.* l. 1. cap. 15.

p) *Aventinus*, in *Annal. Bojor.* l. 4.

§. XXXIII. Facile autem origo omnium horum Imperii in Prussiam prætensorum divinari potest. Orig. Juris
Imperi in
Prussiam.
Romani nempe antiquitus Imperio suo multas magnasque tribuere laudes soliti erant; ita ut & fese *Rerum Dominos*; Urbem vero suam *Terrarum Deam*, *gentiumque Romam* appellaverint, superbis hisce verbis gloriati:

Orbem quod totum Victor Romanus haberet,

Qua mare, qua terra, qua sidus currit utrumque.

Cum tamen certum sit, minimam illos terræ portionem modo posse disesse, illisque versus Septentrionem *Danubium*, ad Orientem vero Solem *Euphratēm* terminos positos fuisse. Et hoc postea etiam Imperatores eorum sibi arrogarunt, ut pro *Rerum & Mundi Dominis* haberi voluerint. Quoniam & S. Scriptura, pro istorum temporum conditione, Imperium Romanum τὴν δικαιουνήν, h. e. mundum appellavit, Imperii Scriptores eo tandem id agitarunt, ut successu temporis, seculis præsertim XI. XII. & XIII. Hæreticos illos denominarint, qui, Imperatores totius mundi Dominos esse, non credidere. Quo jure postea Imperatores etiam longe lateque remotas terras ac regiones, & quas nunquam nec ipsi, nec Antecessores eorum attaminaverant, aliis donarunt, magnam sibi inde famam comparantes, *Hermanno Conringio teste. q)*

§. XXXIV. Vestigia itaque Antecessorum pre-De donati-mens, etiam FRIDERICUS II. Imperator Ordini Teu-one Cruciferis ab Frittonico in Diplomate supra citato Prussiam donavit, derico II, quam tamen nec ipse, nec Antecessores ejus unquam facta.

attigerant, ut satis superque jam demonstravimus.
 Quam nullius quamvis momenti donationem Ordinis
 Teutonici tunc Supremus Magister, HERMANNUS
 à SAL TZ A, ex hoc nudo argumento gratis etiam ac-
 ceperit, ita ut optimo jure unusquisque tum temporis
 Veterum Prusorum his *Arminii* verbis uti potuisset: r)
*Quis est autem Caesar? & quid ad illum, quid agat nostra
 Prussia? Num ego me interpono Romanis?*

Christianus Monachus §. XXXV. Sed accedamus jam ad Ordinis Teu-
 tonici tempora. Seculis enim XII. & XIII. Prussi Ve-
 fice de Prus- teres conterminam sibi Masoviam continuis excursio-
 nibus colloqui- & deprædationibus infestabant, eamque tributo
 um instituit & in pri- vestium imposito sibi subjecerant. Contigit interea,
 cum Prus- ut *Monachus* quidam *Olivensis*, CHRISTIANUS, gente
 fia Episco- à FREUENWALDE, Ordinis S. Bernhardi Cisterci-
 pum con- secratur. ensis, ab *Abbate Olivensi*, tempore COELESTINI III.

Papæ, in negotiis Monasterii Romam mitteretur, qui
 instituto cum Pontifice de rebus Provinciae Prutenæ
 colloquio, se non modo Latinæ, Germanæ & Polo-
 næ, sed Prussicæ etiam lingvæ gnarum esse affirmabat.
 Hic itaque & miseria Masoviorum à Prussis perpetua
 commotus Pontifex CHRISTIANUM hunc in pri-
 mum totius Prussicæ Episcopum, post D. D. ADAL-
 BERTUM & BRUNONEM, Martyres, in partibus
 infidelium anno 1215 more consveto rite consecravit,
 & Prussiam ei totam subjecit; Ut illam armis suis spi-
 ritualibus, & si haec non sufficerent, auxilio armorum
 quoque temporalium occuparet. s)

§. XXXVI.

r) *Florus*, I. 3. *histor.* c. 10.

s) Testibus, Luca David, *Preußische Chron.* MSCtø, I. 2. it.
Chronico montis Sereni, ad annum 1215.

§. XXXVI. CHRISTIANO ad hanc expeditio-
nem CONRADUS, tum temporis Masoviæ Dux, ^{Conrado}
omne, quod in viribus erat, auxilium præstabat, qui ^{Masovia} Duce, Ensi-
autem propriis ad opprimendos Prussos destitutus vi-^{feros Livo-}
ribus, consilio novi Episcopi CHRISTIANI, Fratres ^{nenses in}
Ordinis Ensiferorum (*die Schwerdt-Brüder*) anno ^{auxilium} vocat.

1204. contra Barbaros instituti, è Livonia, litteris ob
hoc ad ALBERTUM, Rigæ Episcopum, & Ordinis
Magistrum missis, accersivit. Qui & petitis ejus obse-
cundantes CONRADO triginta Ordinis fratrum cum
servis suis in auxilium mittebant, testibus *Luca David*
I. c. Schurtzfleischio t) & omnibus præfertim Poloniæ
Scriptoribus. *Hartknochius* vero hoc assertum plane
negavit, & fictum illud esse, ex *Dusburgo*, P. III. p. 33.
demonstrare conatus est, CONRADUM ipsum Ordinem quendam, sub *Militum Christi* nomine, Dobrini
instituisse, (de quo statim eum, unum idemque cum
ordine Ensiferorum, & Fratres Dobrinenses ipsos
Fratres Livonenses esse cognoscemus) innuens. u)
Dusburgum autem multis in locis æquivocum esse, in-
ter alios *Raymundus Duellius* w) optime annotavit, qui
pro voce, *instituit*, rectius *vocavit*, posuit. CONRA-
DO enim proprium instituere Ordinem, nulla fuit
tunc nec potestas nec authoritas.

t) *Schurtzfleisch*, in *Historia Ensiferorum Ordinis Teutonico-Li-*
vonorum.

u) *Hartknoch*, im *Alt und Neuen Preussen* / Part. II. cap. I.
pag. 270. seqq.

w) *Raymundi Duellii Historia Ordinis Equitum Teutonicorum*,
Anno 1727. Viennæ, fol. edita, Part. II. cap. I.

Hi Pactis
confectis,
Prussiam
invadunt,
sed eis Li-
voniam re-
petunt,

§. XXXVII. Ensiferis itaque Masoviam tum in-
trantibus CONRADUS tractum Dobrinensem, terræ
Culmensi & Drevvniczæ fluvio conterminum, cum
omnibus ad & pertinentiis tradidit: eisque arcem
quandam, Dobrinum nominatam exstruxit, de qua
etiam posthac Fratres nominabantur Dobrinenses.
His Ensiferis CONRADUS, Masoviæ Dux, & CHRI-
STIANUS Episcopus, de omni Terra, quam Prussis
erepturi essent, dimidiâ partem cum omni jure in
æternum possidendam donarunt. Confecta arce Do-
brino, Fratres hi cum CONRADI copiis Prussiam in-
vadebant, multumque prædæ, Victores, secum in Ma-
soviam asportabant. Vix autem Masoviam modo in-
gressis, Prussi magna militum manu cervici eorum
impingentes, tanta eos clade, trium nimirum dierum
affecerunt, ut paucissimi in Masoviam reversi sint. His
peractis, Ensiferi quidem nonnulla adhuc cum Prute-
nis discrimina habuere, nunquam tamen ad priores
rursus vires pervenere; ita ut paulo posthac, ex vo-
luntate Magistri Livonensis, Dobrinum relinquenter,
Livoniāque repeterent.

Christianus
Pontificem
adit, & au-
xilium con-
tra Prussos
petit.

§. XXXVIII. Masovia ita à Barbaris vastata, CHRI-
STIANUS Pontificem, per amorem atque crucem
JESU CHRISTI, Salvatoris, obsecravit, ut fidelibus
auxilium contra infideles præstaret, eamque sibi rem
non minoris haberet, quam Terræ Sanctæ expugna-
tionem; Prussis enim æque ac Saracenis, Christianæ
fidei asæclas persequentiibus, imo in viscera usque Ec-
clesiæ sævientibus.

§. XXXIX.

§. XXXIX. Nec tamen & CHRISTIANI, Episcopi, arma spiritualia fuisse frustranea, donationes quorundam Prussiae districtuum, à quibusdam *Supanis les Prussiis* sacra Baptismatis unda expiatas, factæ testantur. Inter quos præcipue eminebant WARPODA & SAVABUNO, qui Romam cum Episcopo petentes coram Pontifice ibidem, terras suas, WARPODA nempe terram *de Laufania*, & SAVABUNO terram *Lobaviensem*, in perpetuum CHRISTIANO donavere, idque ab INNOCENTIO III. Pontifice confirmari voluerunt, teste *Lengnichio.* x) Quæ etiam Terræ & districtus hodierno adhuc tempore, Dicecesi Culmenſi incorporatæ manent.

§. XL. INNOCENTIO III. interea mortuo, HONORIUS III. Successor, crucem contra Prussos prædicari jussit. CONRADUS item Masoviæ Dux, ac Proceres Poloniæ, multa CHRISTIANO Episcopo donavere prædia, bonaque, ut & totam Culmensem, Malymnovensem, Radzinensem, aliosque tractus, jure perpetuo concessere. y) Copiis interea ad hanc Expeditionem Cruciatam (*Creuz-Zug s. Creuz-Fahrt*) in Prussiam missis, intra annum ad intercessionem fere à Prussis Masoviam rursus ferro & flammis vastantibus deletis, reliquæ infectis rebus in Partiam revenere.

§. XLI.

x) D. Lengnichs/Poln. Bibliothek/ pag. 317. in notis. it. Diplomata & Confirmationes harum donationum, T. I. Actor. Boruss. p. 259. seqq. annexa.

y) Vid. Acta Borussica, T. I. p. 61. 260. & sparsim. ut & Leibnitzii Codicem Juris Gentium Diplomaticum.

Episcopus & Conrad⁹ Ordinem Teutonum in auxilium contra Prussos vocant.

§. XLI. Cum itaque neque in his præsidii quam invenissent, CONRADUS Dux & CHRISTIANUS Episcopus, alia petere auxilia coacti fuere. Unanimi igitur consensu, ORDINEM TEUTONICUM CUM S. MARIAE in *Hierusalem*, contra Saracenos in *Terra Sancta*, anno 1191. institutum & à COELESTINO, Papa confirmatum z) elegerunt, ac missis quibusdam ad Supremum Ordinis Magistrum, HERMANNUM à SALTZA, legatis, eum in Prussiam invitarunt. Qui quidem accepto nuncio (nescio quare ratione) auxilium primo denegavit, consultis autem postea Imperatore, Pontifice & ordinis fratribus, duos ex illis, CONRADUM nempe à LANDSBERG, & OTTONEM à SALEIDEN, cum octodecim equitibus ad CONRADUM Ducem & CHRISTIANUM Episcopum, ut de Pactis convenientire, misit.

Hi advenientes Pacta
entes
ineunt.

§. XLII. Hi advenientes ab AGASIA, Ducas CONRADI (qui profectus erat) conjugé, humanissime excipiebantur. Post redditum vero CONRADI & Episcopi, Legati hi de Pactis tractare cœperunt, eaque etiam paulo post unanimi consensu & Ducas & Episcopi & Masoviæ Magnatum concluserunt. Quæ facta sunt juxta litteras Cruciferis *datas*, anno 1228. quod & testatur *Chronicon Vetus, der Lände Preussen* / alias *Samilianum* dictum, (& in Bibl. Gym. Elb. publ. adhuc MSCt. adseratum) p. 7. seqq. In Pactis hisce CONRADUS Cruciferis totam Culmensem Terram, cum omnibus ad- & pertinentiis, ad primam sedem & propugnaculum, jure perpetuo concessit ac donavit.

Quod

z) Hartknoch, *Alt und Neu Preussen* / P. II. cap. I.



Quod CHRISTIANUS Episcopus non solum confirmavit, sed & Decimis ex Territorio Culmensi provenientibus auxit. a)

§. XLIII. Confecto itaque Contractu & Pactis, Quib⁹ con-
inter CONRADUM DuceM, CHRISTIANUM Epi-
scopum & Cruciferos, noluit Magister eorum, HER-
MANNUS à SALTZA, amplius feriari; sed omnibus
viribus annis⁹ est, ut promissione Masoviæ & Episco-
palium bonorum defendendorum, Prussiæque Barba-
ris eripiendæ, factæ responderet, ac expectationi de se
suisque conceptæ abunde satisfaceret. HERMAN-
NUM itaque de BALCKE, s. BALCKONEM, pri-
mum Prussiæ Provincialem creatum, multis cum co-
piis, initium expeditionis faciendæ causa, in Prussiam
misit, adscitis ei in auxilium, Fr. DIETERICO de
BEHRENHEIM, Marschalco; Fr. CONRADO de
TUTELE, Commendatore; Fr. HENRICO de BER-
GEN, Thuringo, Commendatore doméstico; Fr. POP-
PONE ab OSTERNA, Hospitalario; ut & HENRI-
CO de WITTEKENDORFF; BERNHARDO de
CATZENELNBOGEN; OTTONE de QVEREN-
FURT; Fratribus aliisque. b)

§. XLIV. His Masoviam ingredientibus, HER- Qui novis
MANNUS de BALCKE, Provincialis, cum CON- adhuc Pa-
RADO Duce & CHRISTIANO Episcopo, nova ad- ctis sanctis,
huc ao. 1230. in Crufwitz fancivit constituitque Pacta, Prussos in-
quibus & omnia, quæ posthæc de personis vel bonis vadunt, e-
Barbarorum captivazione, deprædatione, extorsione, osque vin-
cunt,

E

occu-

a) Vid. Acta Borussi. ubi Donationes, cessiones ac confirmationes
hæ, T. I. pag. 394. seqq. legi possunt.

b) Vid. Luc. David, Chron. Prussi. MSCt. lib. 2.

occupatione, vel subjugatione mobilium sive immobilium, terrarum & aquarum, atque omnium in eis contentorum, adipiscerentur vel occuparent, jure integro & æterno, cum omnium hæredum ac Magnatum consensu & expressa voluntate, illis donarunt. Quam adhuc donationem CHRISTIANUS Episcopus, translatione donatorum sibi à CONRADO aliisque districtum, in Cruciferos, singulari Diplomate auxit & confirmavit. c) Pactis his confectis, ac sigillis subscriptionibusque communitis, Provincialis de BALCKE, *Vogelsangum* munitionem ædificavit, è qua rapaces Prussos magna jactura repulit, postea etiam in universam Prussiam, ope Germanorum Principum incursionem fecit, sed quinquaginta tribus annis integris vix eam occupare, Prussosque ad Christianæ fidei sacra amplectenda, nisi certis sub conditionibus ac multis concessis libertatibus, redigere potuit. Et

Tantæ molis erat, Pruthenam vincere Gentem.

Hic itaque Ordinis Teutonici in Prussiam adventus, hoc eorum potestatis initium, sed etiam interitus & internecionis ejus origo. Quam exiguo interim ii nitantur talo, qui cum Poloniæ Scriptoribus, CONRADUM Cruciferis Terram Culmensem in feudum dedit, afferunt, ut occupata Prussia ad Masoviam rediret, & ut Cruciferi omnia, quæ à Barbaris occuparent, æquo quorundam arbitrorum judicio, cum eo partirentur, d) ex antedictis facile unusquisque perspiciet, simulque nullum tam Polonis, quam Romanis & Germanis in Prussiam fuisse jus animadvertere, & priora inde ac sequentia illustrare poterit.

§. XLV.

c) *Pacta hæc, Obligationes, Cessiones, Diplomata, Donationes, T. I. II. III. Actor. Boruss. sparsim legi possunt, ut & alia ad hæc spectantia.*

d) *Cromerus, lib. 8. de Origin. & Rebus gestis Polonorum.*

§. XLV. Formam enim Regiminis si attendamus, neque in Ordinem ipsum, neque in incolas absoluta fuit penes Magistrum potestas. Hic enim sine ex- preſſo totius Ordinis Commendatorum ac Fratrum consilio & consensu facere aut concludere nihil potuit. Si bella annuncianda, foedera comprobanda, pax facienda erant; Magister adſcritis Italiæ, Germaniæ & Livoniæ Provincialibus, omnibusque Ordinis Commendatoribus ac Fratribus, Conventum prius indicare, illisque congregatis, tunc demum Capitulum, (*Tagfahrt*) in quo omnia discuterentur vel approbarentur, celebrare illi licebat. e) Magistro enim nec in Germaniam aliasque Regiones propria voluntate proficiſci, nec Privilegia concedere, nec concessa confirmare, nec etiam pecuniam præter centum *Bizantos* alicui mutuo dare, liberum erat, sed hæc omnia ex totius Ordinis voluntate & arbitrio fieri, legibus cautum erat. f)

§. XLVI. Nec in incolas absoluta Magistro potestas, sed valde adſtricta. A primo quippe Cruciferorum in Prussiam ingreſlu, varia Privilegia Prussis fuere concessa, quibus potestas Magistri & Ordinis limitata fuit. Super vacaneum effet, omnia Civitatum & Ordinum singula recensere Privilegia, cum certum sit, plurimos illis fere abundasse. Eminet inter illa præſertim *Pri-*

e) Vid. Consuetud. Ordinis, n. 2. MSCt. it. Schütz, *Preußische Chron.* fol. 157. it. Waislelii *Chronica Preußischer Lief- ländischer und Curischer Geschichte*, fol. 172.

f) Vid. Leges Godofr. de Hohenloh, in Cod. MSCt. Regiomont. fol. 78. it. Consuetud. Ord. n. 10. seqq. it. Leges Ludov. ab Erlichshausen, in Cod. MSCt. Regiom. fol. 114. &c.

vilegium Culmense, ab HERMANNO de SALTZA, Magistro Generali, & HERMANNO de BALCKE, Magistro Prussiæ Provinciali, anno 1233. concessum, & à Fr. EBERHARDO, dicto de SAYNE, *Præceptore Domus S. Mariae Teutonicorum*, per Alemanniam, & *Vices-Gerente Magistri Generalis per Livoniam & Prussiam*, ao. 1251. renovatum, g) quo absoluti sunt Prussi ab omnibus Vecligalibus pendendis, item ab omnibus collectis injustis, aliisque exactionibus indebitis; h. v. *Absolvimus totam terram prædictam ab omni prorsus telonii exactione*, quod D. Joh. Casp. Venator, Ordinis Teutonici Diaconus, tanti æstimat, ut hæc nec Clericis nostro tempore facile concedi, nec etiam in vigore antiquo conservari, credat. h) Et non minoris etiam Privilegium istud Prussis Neophytis, anno 1249. septimo Idus Februarii, ab JACOBO, Archidiacono Leodinensi, ex mandato Pontificis, cum expressa Ordinis voluntate datum i) habendum est.

Statuum §. XLVII. Alias adhuc & multas immunitates Prussiæ Au-^{to}incolis Prussiæ tum fuisse donatas, historiarum testan-^{to}lboritas. tur monumenta. Conventus speciales Civitatibus & Nobilibus Prussiæ, etiam insciis Magistro & Cruciteris celebrare licitum erat. In his de bono publico sociatim consulebatur, decreta, que & sine Ordinis consensu valitura erant, edebantur, ac propria voluntate & authoritate tributa aliaque exigeabantur. Judicia quod

g) Vid. *Jura Fundamentalia Terrarum Pruss.* p. 5. seqq. ao. 1733. Gedani 4to edita.

h) D. Joh. Casp. Venator, *Historischer Bericht vom Marianisch-Deutschen Ritter-Orden und ihrem Wappen* 4to, c. fig.

i) Joh. Leonis, *Historia Prussiæ*, Lib. II., p. 86. Edit. Brunsb.

quod attinet, magnas in illis prærogativas Civitates habuere, ita ut summa omnium rerum instantia penes urbem Culmam, postea autem in unaquaque Civitate penes Magistratum esset, donec tandem appellationes ad commune consilium, des Raths von Länden und Städten/ (de quo paulo post) minime vero ad Magistrum vel Cruciferos solos, unanimi totius populi consensu fuscipiebantur. k) Et quasdam etiam Prussiæ Civitates Jura Majestatis, ut e. g. *Jus monetam cedendi, Jus vitae & necis, &c.*, quæ alias Supremo solum Magistratui vindicantur, exercuisse, & adhuc dum exercere, Annales & quotidiana testantur experientia.

§. XLVIII. Crescente autem interea Ordinis insolentia, cum Priviligiis Prussorum derogare Cruciferi cœpissent, multæ exinde ortæ sunt turbæ; his Jura sua in Prussiam prætentibus, illis autem Privilégia sua sarta tectaque conservare conantibus. Donec tandem anno 1414. constitutum est, ne Magister cum Praeceptoribus s. Commendatoribus (qui germanice Gebietshiger vocabantur) haberent potestatem, quidvis pro lubitu statuendi, sed ut in rebus gravioris momenti consiliarios sibi adjungerent, quatuor scilicet Fratres Ordinis, decem ex Nobilitate potentiori, item ex Culensi, Thoruniensi, Elbingensi, Regiomontana & Dantiscana, binos ex unaquaque Consiliarios, sine quibus nihil in Juribus Majestatis exercendis fusciperent, uti refert Schützius¹⁾ aliique; quamvis Grunovius tunc solum, quando tributa erant exigenda, convo-

Novum
Consilium
Prutheni-
cum insti-
tuitur.

k) Schütz, Preußische Chron. lib. 9. fol. 443.

l) Idem, ibidem, fol. 108.

catos fuisse velit. Deinde 1430. in conventu Elbingensi, à Magistro, Prælatis, Nobilitate & Civitatibus constitutum est, ut in Consilium Prussicum coirent, Magister, sex Praeceptores s. Commendatores Ordinis, sex Prælati, sex Provinciales; (hi vocabantur *der Rath vom Lande/*) & sex ex Civitatibus Majoribus, (hi vero *der Rath von Städten/*) in genere *der Rath von Landen und Städten;* sine quibus nihil graviorum negotiorum pacis & belli tempore suscipi posset.

Cruciferor. §. XLIX. Hæc Prussiæ sub Cruciferis facies usque potestas in Prussos li- ad annum 1454. è qua aperte patet, Cruciferos qui- mitata, non dem per integra bina secula Prussiæ imperasse, nullam absoluta, tamen in illam potestatem habuisse absolutam; sed imperium modo limitatum, & legibus quasi ac Privilegiis Prussorum obstrictam. Quanquam certum sit, Cruciferos non raro his immunitatibus reclamasse; nullo jure eas Prussis competere, afferentes, quod te- statur *Schütz* in *Chronico suo Prussico* passim.

Jus Imperii & Pontificis in Prussiam, ratione Cruciferorum nonnulli prætendunt, nullius id est mo- ratione Cru-menti: Cruciferi enim quamvis Cæsari propter bona ciseror, nul-ab illis in Germania ac Italia possessa, juramentum ium est.

fidelitatis, vulgo *den Vasallen-Eid/* præstiterint, nullum tamen in Prussia Cæsaris agnoscebatur impe- rium, ut ex Controversiis inter Ordinem & Status Prussiæ coram Imperatore, ratione *ligæ à Prussis con- tra tyrannidem Cruciferorum initæ*, clarissime patet.^{m)} Neque Jus Pontificis ullum est. Nam Ordinem qui- dem Pontifici spiritualiter subjectum esse, est, quod

con-

^{m)} Schütz, Chron. Pruss. l. 4. fol. 146.

conceditur duabus manibus; Pontifex enim non solum in Ordinem, sed & Prussiae Episcopos & totum Clerum mandata exegit, ut e. g. cum HENRICUS à RICHTENBERG, Ordinis Magister, Episcopum tunc Sambensem, DIETERICUM de CUBA, fame interfecisset, SIXTUS IV. Papa magnas Ordini intendit minas, eumque adeo excommunicationis fulmine percuttisse, h. v. *Deleatur pessima illa nigra Crux; maledictus enim est Ordo, ubi Laicus regit super Clerum. n)*

§. LI. Nostra jam aggrediamur tempora, & Prussia-Cru-
fiam nunc etiam sub Serenissimorum Poloniæ Regum ciferis, ob
imperio, suis adhuc vivere legibus, suis libertatibus tyrranidem
demonstrabimus. Coacti enim per tyrranidem Cru- am renun-
ciferorum Prussi, ac ineffabilibus molestiis gravati, ciant, & ad
alium sibi anno 1454. quæsivere Dominum, CASIMI- Regni Po-
RUM IV. nempe JAGELLONIDEM, Poloniæ Re- •unt castra,
gem. Initio quidem Ligam modo, sub Magistro tum
temporis, PAULO de RUSDORFF, contra vim Crucifi-
ferorum, ope ac Præside JOANNE à BAYSEN,
splendidissimo illo Patriæ Ornamento & Tute, inie-
runt; sed cestantibus nondum oneribus, & facta apud
Imperatorem & Pontificem ligæ excommunicatione,
obedientiam Magistro tum temporis, LUDOV. ab ER-
LICHSHAUSEN, ac universo Cruciferorum Ordini
renunciarunt, & ad Polonici Regni transferunt castra.

§. LII. In initio quidem in animo habuisse legi- Quia Leip.
mus, peculiarem condere Rempublicam, quam cives institutio
regerent. Verum viribus diffisis, ac impares se Crucif- viribus ma-
jus videba-
feris tur opus.

n) Waisseius, Chronica Preußischer/Liefländischer und Kurischer
Geschichte/ fol. 124.

feris credentibus, tutiōra eligere placuit. Seindebantur aliquantis per inter Reges Dāniæ, Poloniæ & Bohemiæ studia, donec omnes in Poloniam consentirent, quod Gens hæc finitima vetus odium in Ordinem, etiam post confectam pacem, inter præcordia tacite aleret. Notandum tamen, Prussos ad Regem Bohemiæ servasē sibi aditum, si forte CASIMIRUS IV. delatum Regimen aut respueret, aut aliisquam inter Ordines conventum erat, modis adire mallet.

Casimirus IV. Polon. Rex Prus. præcipuuſ JOANNES à BAYSEN erat;) qui
sos in fidem perficerent, in quæ universi consenserant, jamque ali-
recipit, sal- quot dies præterlapsi, nec certi quid ex Aula Regia
vis tamen Privilegiis, resciscere licebat; impatientes itaque moræ legati,
cogitare se Bohemiam ingressurosque propediem iter,
nisi de voluntate Regiæ Majestatis constiterit; palam
loquebantur. Libera vox tentatum hactenus opus ab-
solvit, flexitque CASIMIRUM, ut, cum Legatorum
postulatis annuisset, imperium fusciperet. Ita Borussi
in potestatem Regis Poloniæ, certis tamen sub condi-
tionibus venerunt. Singulæ in Privilegio Incorpora-
tionis (Deditioſis potius) vulgo dicto exprimuntur;
quod, si rem nomine suo appellare velis, improprie
Privilegium audit, cum Paſtum potius sit, de quo an-
tequam capesseret imperium, inter Regem & Pruthen-
nos convenit. Patet ex eodem, quibus modis regi vo-
luerint Prutheni. Modi hi formam Regiminis Pruthen-
ici absolvunt, de qua, ut paulo fusiſ agam, argu-
menti postulare videtur conditio. Dignus proinde
labor, qui rite fuscipiatur, cum etiam memoria anti-
quorum iurium obliterata videatur.

§ LIV. Plerique Extranœcum Provinciam nostram veluti in tres Palatinatus divisam regionem, quæ à reliqua Polonia nomine tantum differat, contemplantur. Errant bona fide, quoniam mediis destituntur, quibus de veritate edoceantur, exteriorque species, ac alia, quæ olim & nostris diebus accidere, animum in errore obfirmant. Nec Poloni recto tramite incedunt, & licet nonnulli veritatem videant, sunt tamen, qui affectu abrepti, in id unice incumbunt, ut Regibus nobis cæteroquin longe Indulgentissimis persuadeant: *Nihil sibi peculiare Pruthenos, sed omnia cum Polonis communia habere; Provinciam Regno ita invisceratam esse, ut, quæ placuerint leges, sine murmure accipere teneantur.* Et illi, qui nobiscum sub eodem cœlo nati, licet fando perceperint, esse Pruthenis sua jura, suam libertatem, veram tamen ejus conditionem plerique, proh dolor! & quod nefas est dicere, plane ignorant. Hinc evenit, ut, quoties avita Privilegia verbis impellantur, nostrates eadem, non prout decet, propugnant, si vero factis eneruentur, plane fileant, quoniam prima vice nec libertati contraria, nec Patriæ damnosa videntur, & tum demum de injuria querantur, quando civium crumenæ sentiunt, connivendo esse peccatum.

§. LV. Principii instar, ex quo cætera deducam, Prussi enī pono, Prussiam, cui Serenissimi Poloniæ Reges impe- peculiarem formant, cum Polonis, præter Regem, nil commune ha- Rempublic. & cum Po- bere, & cum Regno perpetuo foedere conjunctam esse, lon præter cæterum peculiarem constitutere Rempublicam. Hæc Regem, nil constans opinio Majorum; hoc clypeo tuti, adversa- commune riorum tela sine vulnere excipiebant. Refert Schützius habent,

dignum posteritatis testimonium. o) *Incorporatam esse Provinciam Regno, ajebat Palatinus tum temporis Mariæburgensis, NICOLAUS à BAYSEN, hoc ita interpretamur, habere sua Jura Poloniæ, habere suas immunitates Prussiam, ita ut suis Poloni, suis itidem Prutheni vivant legibus, ne tamen à fœdere, quo in nœxi resileant. Et ipsi tunc, qui in Comitiis Coronationis Regis HENRICI VALESII aderant Prutheni, Regem ita allocuti: Majores nostri, ajunt, animo bene deliberato ad inclytum hoc Poloniæ Regnum, libera ditione, & sua sponte, nulla vi, nullis armis, aut externo metu coacti, accesserunt, certis interpositis pactis & conditionibus, ut Regno quidem Poloniæ incorporati, peculiarem tamen & separatam haberent Rempublicam, suisque Juribus & consuetudinibus, cum quibus ad hoc Poloniæ Regnum accesserunt, libere & sine alicujus impedimento uterentur. p) Quod & ipsum ditionis Pactum satis superque testatur. q)*

Quæ de his
noanda ve-
niunt,

§. LVI. Ex his tria notare lübent: Primo, habuisse sua Jura Prussiam, antequam ad Regnum Poloniæ accederet, eademque sibi servasse. Deinde honorum, jurium, libertatum & prærogativarum Regni Poloniæ particeps factam. Tertio, novis donataim Privilegiis, quæ sigillatim recensentur.

§. LVII.

o) Schütz, Chren. Pruss. L. IX. fol. 386.

p) Vid. Arnoldi Dilgeri, Ged. Dissertat. de Unionis, qua Polonia jungitur Prussia, indole, p. 1. §. 1.

q) Vid. Jura Fundamentalia Terrar. Pruss. pag. 12. seqq. 1733.
to Gedani edita.

§. LVII. Inde sequitur, Unionem cum Regno Poloniæ Jura Provinciæ non sustulisse, quin potius roborasse, neque Prussiam aliter ad usum prærogati- varum Regni Poloniæ admissam, nisi in quantum suis haud derogarent. His limitibus æterna utriusque Gentis conjunctio circumscrbitur, quos aliqui eosque turbare conati sunt, ut, uti supra jam diximus, solo relichto nomine Poloniæ in Prussia constituerent.

§. LVIII. Minime ad horum ingenium D. CASIMIRUS IV. nostram ordinavit Rempublicam. Ipse enim pristinam administrandi formam aliquatenus servaturus, Provinciæ Gubernatorem præfecit, cui quatuor Palatinos, indigenas omnes, junxit, qui adhibitis Prussiæ Consiliariis, Palatinis, nempe Culmensi, Elbingensi, Regiomontano & Pomerelliæ, r) tribus Castellanis, Culmensi, Elbingensi & Gedanensi, quibus additi erant & Consiliarii ex Civitatibus Majoribus, ita ut in Senatu Prussico septem suffragia Nobilitas, totidemque Civitates haberent, s) ut & tribus Succamerariis, quos Poloni limitum appellant Judices, quibus cum CASIMIRUS anno 1468. æque ac duobus cum Episcopis, Warmiensi nimirum & Culmensi, Senatum Prussicum auxerat, t) publica negotia tractarent conficerentque: addito peculiari Sigillo (quod GEORG. DAN. SEYLER, Gymn. Elb. Rector, in Dissertatione: *De Gubernatoris in Prussia Occidentali,*

Casimirus
Consilium
Prussicum
& Guber-
natorem
Provinciæ
instituit.

r) Cromerus, de Origin. & gest. Pol. lib. 27. ab initio. it. Neubauer, Hist. Pol. lib. 6. pag. 387. it. Schütz, Chron. Pruss, lib. 5. fol. 203.

s) Schütz, Chron. Pruss. fol. 106.

t) Idem, lib. 7. fol. 333-336.

Antiquitate, Munere, Juribus & Abrogatione, §. 13. ex Originali in Curia Elbingensi, pulchre delineavit) cum inscriptione: S. Gubernatoris terrarum Prussiae, †.

Joannes &
Stiborius à
Baysen, ri-
mi Prussiae spaniæ ab Saracenorum jugo Liberator, Vir acri con-
Gubernato-
res. §. LIX. Et primus, cui id honoris contigit,
JOANNES à BAYSEN fuit, Arragoniæ & Hi-
filio, summa fide & in rebus maximi momenti geren-
dis promptissimus, imo foederis Pruthenici Præses
ipsiusque defectionis Dux & Antesignanus, qui sum-
mam hanc Generalis totius Prussiae Gubernatoris di-
gnitatem magna laude ab anno 1454. ad finem usque
vitæ suæ 1460. strenue sustinuit; Successoremque na-
ctus est **STIBORIUM à BAYSEN**, fratrem
natu-minorem, u) qui utut Palatinus Elbingensis anno
1461. hunc honoris gradum consequutus, Provinciæ
gubernacula haud minori, dum vixit, fama tenuit.
Duos hos tantummodo Pro-Reges s. Gubernatores
Prussia habuit. Hic vero, quando demum abrogatus
fuerit ipsaque adeo Vicariatus hujus dignitas desierit,
magna apud Annalium Prussicorum Scriptores est dis-
sensio. Etenim *Dlugossus*, w) *Cromerus*, x) *Bielski*, y)
& cum iis *Schützius* z) quoque unanimi consensu af-
ferunt, D. **CASIMIR U M**, anno 1467. sublato
Gubernatoris titulo pariter ac Palatinatu Elbingensi,
STI-

u) Corrigendum itaque Hartknochius, qui Dissert. XIX. de Republ. Veter. Prussior. §. 20. perperam eum Johannem nominat.

w) *Dlugossus*; Lib. XII. Hist. Pol. p. 403. Edit. Lips.

x) *Cromerus*, de Orig. & gest. Pol. lib. XXVII. & ex eo Neuge-
bauer, Hist. Pol. L. V. p. 381.

y) *Bielski*, Kronicka Polska, p. 444.

z) *Schütz*, L. VII. fol. 333.

STIBORIUM à BAYSEN primum Mariæburgensem Palatinum creasse. Quibus autem Conventuum Annales & D. *Lengnichius* plane repugnant, invictis rationibus comprobantes: STIBORIUM hunc BAYSENUM, ad annum usque 1480. emortualem suum, Prussiæ Gubernatorem fuisse. a)

§ LX. Mortuo STIBORIO, Prussiæ Ordines de His demor-
vidua hac sparta sæpe quidem solliciti fuere; sed fru-
straneo conatu, vices interim (quantum ad Conven-
tuus publicos attinebat) Palatinis, modo Mariæbur-
gensi, modo Culmensi, ad A. usque 1503. gerentibus.
Sequenti vero anno Rex ALEXANDER I. Thorunii
primum, post Mariæburgi, de novo Gubernatorem fla-
gitatus, AMBROSIUM PAMPOWSKI, Palatinum
Sieradiensem, Prussiæ Gubernatorem denominavit,
quem tamen, utut à D. SIGISMUNDO I. Rege anno
1509. confirmatum, eo, quod neque indigena, nec
Ordinum consensu institutus esset, Prussi recipere
constanter recusarunt. Quo factum, ut Terrarum
Prussiæ Præsidium & Provinciæ gubernacula tandem ad
Warmiæ Præfules, qui illis & nostro adhuc tempore
magna cum laude perfunguntur, devolverentur. b)

§. LXI. Sigillum supra memoratum Gubernato-
rium, mortuo STIBORIO à BAYSEN, Pru-
theni fratri ejus, NICOLAO à BAYSEN, tra-
diderant, quod eum Gubernatorem mallent. Sed re-
nitente Rege, & ipso NICOLAO postea defuncto,
GEORGIUS à BAYSEN illud an. demum 1503.

a) D. Lengnich, *Dissertat. de Senatu Prussiæ*, §. 8. 9. conf. 18.

b) Idem, l. c. §. 18 - 22.

Consiliariis Terrarum reddidit, qui id deinceps à Civitate Elbingensi servari voluerunt, uti Conventuum annales testantur: Consiliarii ab Ordinibus lecti, Gubernatore Palatinisque in eorum numerum receptis. Penes hos, absente Principe, Majestas & imperium, nisi quando ē re videretur, universam Nobilitatem minoresque Civitates convocare. Idem, qui sub Equitibus Teutonicis Conventus; idem contribuendi modus; eadem Judiciorum forma; hoc saltem discrimine, ut cum olim Magister coram, Rex, quod in Polonia degebat, plerumque per legatos ageret, ipsique Proceres nonnunquam Regi missis Oratoribus publicam salutem commendarent. Nulla adeundi Regni Comitia necessitas, nulla consiliorum cum Polonis communio, nisi pro ferendo, quod ex Pacto debebatur, Prussiae auxilio. Ita utraque Gens sub eodem Principe perenni foedere coaluerat, ut neutra relicts patriis moribus in alterius leges transiret. c)

Jus Indigenatus.

§. LXII. Inter alia, quæ Prussos à Polonis separant, præcipuum est, quod in Deditiois Pacto continetur: JUS INDIGENATUS, quo vacantes in Prussia Capitaneatus & dignitates solis in Prussia natis & lingvæ Prussicæ peritis conferri debent. Possem quidem, si necesse esset, multos eorum, qui licet gente Poloni, in Prussia tamen tum Capitaneatus, tum alia munera obtinuerunt, adducere, quod quidem læsum saepe, minime tamen abrogatum Jus nostrum testatur. Cum illud potius D. AUGUSTUS II. Rex, singulari-

Di-

c) Schütz, Preußische Chronik, Lib. V. it. Lengnichii Forma Regim. Prussæ.

Diplomate 1699. ut & feliciter hodie imperans Rex AUGUSTUS III. 1734. Divorum Antecessorum exemplis insistens, confirmaverit. d) In Polonia etiam Prussis bona terrestria emere, possidere, ut & dignitates & munera adire liberum est, sed neutquam Polonis id in Prussia contingit, nisi prius JUS avitum INDIGENATUS Pruthenici magnis sumptibus, vel maximis in Prussiam meritis acquisiverint. Ultimum & an. 1712. Illustriss Dn. JOANNI CHRISTOPHORO in Słupow SZEMBECK, supremo tum Regni Cancellario, nunc Episcopo Warmiensi & Sambiensi, S. R. I. Principi, ac Prussiae Praesidi, (quem nuperrime d. 17. Mart. hujus anni 1740. pie ac sancte demortuum, Patria ob laudes arduas praestantesque, quas ipsa intuetur æternitas, & quæ nullum peritura per ævum, ob immortalia in Religionem, Jura atque libertates merita, prudentiam sagacissimam difficillima negotia expediendi consilioque nixam, animum in adversis æque ac secundis firmissimum, ac justitiam suum cuique tribuentem, summo mœrore, tristitia ac lacrymis luget) ob extantissima & maxima in ecclesiam DEI & has Prussiae terras merita contigit, quod Provincia nostra optime agi de Juribus suis confideret, si eorum tutela non extraneo, sed Civi concrederetur.

§. LXIII. Exiguntur in Polonia telonia, quo onere Prussia à ne unquam Prussia premeretur, in Pacto Deditiois ^{Vestigialib⁹} libera, prospectum est. Hanc immunitatem novo Laudo, in Conventu Mariæb. 4. 1713. roborarunt Ordines, omnimodo

d) Vid. Pacta Conventa Regis Augusti III. à D. Lengnichio, c. notis, fol. Lipſ. edita, Artic. 39.

modo volentes: *ut in futurum unicuique Incolarum harum terrarum liberum sit commercium, absque ulla præpeditione & teloniorum exactione,* & *ut ad nulla alia, nisi quæ in finibus Regni antiquitus pendit solebant, obligarentur, vigore Pacti Deditiois.* Hinc quoties nova exigi cœperunt, provocare ad vetera Jura Ordines, eorundemque observationem enixissime petere. Ut ex quærelis 1674. in Comitiis Electionis JOANNIS III. SOBIESKI al-latis aperte patet. Inprimis Vectigalia ad Diboviam & Fordanum gravia Nostratibus visa, de quibus sæpe & tempore Interregni, post obitum JOANNIS III. 1696. quæstos, Acta publica testantur. Et cum magnum illud consilium, quod An. 1710. Varsaviæ habitum est, telonium ad Fordanum iterum decerneret, injunctum est Nuntiis 1712. *ut in Comitiis, pro omni posse, operam sedulo navent, quo telonium illud tollatur & aboleatur.* Quod & 1733. in Comitiis Mariæb. rursus singulari Laudro roboratum est, e) ac quorum abrogationem etiam Sereniss. Rex AUGUSTUS III. 1734. in Pactis Conventis, à Lengnichio editis, Art. 40. sancte pollicitus est.

Comitia & §. LXIV. Generales Conventus celebrant Prussi, modus con- & tunc demum Nuntios ad Regni Comitia mittunt. tribuendi Prussorum Qui Conventus Comitia etiam appellantur, quamvis peculiares, Poloni malling Comitiola; intercedentibus tamen ut & de Thesaurar. Prussis, & à Germanis, General Land-Tage s. Tage- corum. Fahrten/ quæ particulares adhuc Conventus s. Particulaire Land-Tage/ in quovis Palatinatu & Distri- ctu præcedunt. Ubi & certo tempore & loco con- fluere

e) Vid. Schultzii, Historiam Interregni Novissimi, & Comitior. in Prussia Polon. 1733. celebratorum, p. 33. 34.

fluere convocatos, de rebus ad Provinciam pertinentibus, & de litteris Regiis per Legatum traditis deliberare, eis respondere, unanimi consensu per lauda, (ut loquuntur) s. Constituta expedire deliberata & finire scimus. f) Singularis etiam Prussis contribuendi modus: Polonos enim in Comitiis, Prussos contra non nisi in Conventibus suis Generalibus publicam pecuniam sciscere notatur. Præterea habent Prussi peculiares, aliosque ac Poloni, contribuendi modos, qui in laudis, ut vocantur, Constitutionum describi solent. Quare non tantum sciscendæ, sed & modificandæ contributionis præsentes ex Prussia in Comitiis Nuntii suis integrum semper servant. Decreta in Generali Conventu pecunia non Regni, sed Prussiæ Thesaurario traditur, ex quo Provincia nostra semper habuit, qui huic muneri præset, & qui sub Ordine Teutono *Trapiarius*, *Treßler* s. *Triforier* / nominabatur. Inter Jura, quæ ei competunt, non infimum est, ut nemini, quam Ordinibus Prussiæ, rationem accepti vel expensi reddere teneatur. g)

§. LXV. Nec Prussi ad generalem bellicam ex-Prussi Ge-
pditionem cum Nobilitate Polonica, vulgo *Pospolite Rusczenie*, der Aufboth des Adels / NB. extra fines nerali bellica expeditio-
liuos sunt adstricti. Solent enim Poloni non fo-
lum pecunia, sed & viris laborantem adjuvare Rem-
publicam, quoties Rex, urgente necessitate, uni-

G versam

f) Vid. plur. Willenbergii, s. potius Lengnichii, Dissert. de Pruf-
orum Comitiis, p. 1. seqq.

g) De hoc, vid. plur. Joh. Constant. Ferber, Ged. Dissert. de Mu-
neris Thesaurarii in Prussia Occidentali, Juribus, Antiqui-
tate & Prerogativis, 1721. Ged. habitæ.

versam Nobilitatem ad expeditionem bellicam con-
vocat. Prussi vero, qui beneficio Privilegii Culmensis
tempore Cruciferorum, extra fines Provinciæ suæ in
bellum proficiisci haud tenebantur; hanc immunita-
tem sub Serenissimorum Poloniæ Regum imperio il-
libatam sibi etiam servarunt. h) Quod autem expedi-
tionem Generalem intra fluvios Vistulam, Oslam &
Drewniczam, tanquam Prussiæ fines limites, attinet,
nunquam se subduxerunt Nostrates, si quando eam
publica flagitaret securitas.

Privilegia & §. LXVI. Civitates & eorum incolæ multis etiam
immunita- & magni fane momenti gaudent libertatibus & privi-
tes Prussiæ legiis, quorum non minimum est istud 1538. à SI-

GISMUNDO I. concessum: *Civibus Bona Terrestria,*
& Nobilibus Bona Civilia liberum est deinceps emere, ita
tamen, ut ad paria onera utrinque ferenda sint obligati.
Quod seilicet Cives, ratione bonorum terrestrium, omnia
Nobilitatis onera æquis passibus ferant. Quod Juris Po-
lonis, excepto Magistratu Cracoviensi & Wildensi
non contigit. i) Item Civibus facilis in Prussia, ad
officia & dignitates terrestres, Canonicatus, imo eti-
am Infulas est aditus, in Polonia vero fere nullus.
Quorum exemplis annales fere abundant. k) Quæ
omnia Martinus Cromerus breviter enarrat sequenti-
bus: *Prussi itidem & Poloni, sacro & profano Ordine, No-*
bilitate ac plebe, distinguuntur. Sed paulo meliore est
conditione plebs in Prussia, quam in reliqua Polonia. Eodem
quidem cum Nobilitate jure & iisdem legibus utitur, præ-
rogativis

h) Vid. Jura Prussiæ fundamentalia, p. 20. seqq.

i) Hartknoch, Respublica Polonica, l. 2. c. §. n. 18.

k) Idem, Alt und Neues Preussen/ l. II. cap. VIII. p. 641.

rogativis modo quibusdam inferior, per quas tamen Plebeji, neque à bonis terrestribus, neque ab honoribus & Magistratibus, neque à Sacerdotiis, neque à Consilio publico arcen-tur. Nec Nobilitas modesta & frugalis eos deditgatur.

§. LXVII. Habet & Prussia Leges, ad quas liti-gantium controversiae definiuntur, peculiares: Nobi-litas JUS, ut vocatur, TERRESTRE, quod 1598. Constitutione Regni firmatum est, l) & sequenti anno 1599. cura Succamerarii Culmensis, MATTHIAE à KONOPAT, ac Thoruniensis Praeconsulis, HEN- RICI à STROBAND, Thorunii primo prodiit. m) Civitates pleræque CULMENSE, quod vocatur TER- RESTRE, exceptis Civitatibus ELBINGENSI, BRUNSBERGENSI & FRAUENBURGENSI, quæ ab incunabulis suis in hunc usque diem JURIS reti-nent LUBECENSIS usum.

§. LXVIII. Non alia, quam vivente Rege fuit, Quid circa tempore Interregni inter Prussiam Poloniamque unio, Regimen Pruthenie, nulla in Provincia nostra ARCHIEPISCOPI GNES- tempore NENSIS & Regni Primatis authoritas, sed quam ille Interregni in Polonia Lithuaniaque gerit personam, in Prussia observan- dum. Terrarum Praeses induit. Hic Ordines convocat; hic Conventibus locum tempusque dicit; hic capita de-liberandi proponit. Nec foedus, Kaptur vulgo dictum, quod Poloni ineunt, Prussiam afficit; verum Ordines pro conservanda publica tranquillitate suas leges pro-mulgant. Cætera ita fiunt, ut in Republica capite suo orbata solent.

l) Vid. Constitut. Regni 1598. Artic. Prawa Prusk. Korrecturā.

m) Vid. Editionem hujus Juris Terrestris, Gedanensem, de anno 1736. in præfatione.

Unio Lublinensis veterem Prussiam statum mutaverit, paucis adhuc nunc mihi dicendum est. Poterat perennitatem sperare vetus Prussianus Respublica, si quod bene sapienterque constituerant Majores, integrum servasset posteritas. At cum Pactum Deditioonis posthaberetur, ac contra antiqua instituta nova postularentur Ordinum Decreta, alia Regiminis successit facies, Jurisque Publici enata est diversitas. Mutata ita quidem est Respublica, minime tamen eversa, neque adeo destituitur legibus suis Provincia, ut alienis regatur.

Non vero evertit. §. LXIX. Habet normam adhuc, ad quam res suas componit Prussia, habet jura, quibus, quicquid ex prisa libertate supereft, innititur. Falluntur & fallunt, qui Provinciam ad conditionem Palatinatus Poloniæ redigentes, omnia ad amissim Constitutionum morumque Regni exigunt. Aliud postulat, quæ Prussiam Poloniæ junxit Unio, aliud fides data receptaque, quam neque SIGISMUNDI AUGUSTI, intercedentibus Prassis anno 1569. in Comitiis Lublinensibus, promulgatum Decretum, neque adversariorum conatus irritam reddere potuerunt. Præcipua, quæ mutata sunt: Unio Consilii Prussici cum Polonio, ac Nuntiorum Prussicorum cum Polonicis; ut & in Judiciis Nobilitatis ultima instantia, quæ prius penes Consilium fuit Pruthenicum, nunc ad Tribunal Petricoviense delata, ac ab ipsa Nobilitate accepta. Ex Civitatibus enim, uti antea, ad Regem solummodo provocari potest.

§. LXXI. Quod itaque Prussi Regni Comitia ad-
eunt, quod Episcopi, Palatini & Castellani in Senatu Quid Unio
Polonico, Equestris Ordinis Ablegati, in Conclavi Lublinensis
Nuntiorum sedent, quod denique cum Regni Ordinibus effecerit,
in commune consulunt, id *Decreto Lublinensi*
debetur. Sunt tamen plura, quæ priscum morem re-
ferunt. Non omnes enim, qui in Prussia Ordines au-
diunt, Regni Ordinibus accensentur. Succamerarii n)
enim & Civitates, tum majores, tum minores, o)
neque in Senatu, neque in conclavi Nuntiorum lo-
cum habent, sed sua prærogativa nec nisi in Prussia
& inter Prussos gaudent. Dantur ergo in Prussia Or-
dines, quorum alii simul Regni, alii tantum Provinciæ
Ordines sunt, quod de nullo Palatinatu Polonico af-
seri potest.

§. LXXII. Qui Nobilitatis nomine ad Comitia Nuntii ex proficiscuntur, non unius Palatinatus, sed totius Pro-
vinciæ Nuntii audiunt, mandatoque Generali, quod Prussia, ge-
totam Prissiam respicit, instruuntur. Qui mos ex illo generali man-
tempore, quod Lublinense Decretum antecessit, ad dato, & ex
nostram usque ætatem servatur. Et licet olim per Regni mit-
aliquot annorum spatium interruptus, restitutus ta-
men, quoniam Majores crederent, hoc se medio pri-
scæ libertatis reliquias tueri posse. Inde non mittun-
tur Nuntii, quoties Generalis Conventus Ante-Co-
mitialis irritus fuerit, ac nefas habetur, si quis ex par-
ticulari Conventu, ac unius Palatinatus mandato in-

n) Loquor de iis, quatenus sunt pars Consilii Pruthenici.

o) Haec minores Civitates, nulla quidem nostris temporibus vota
habent, sed solo Nobilitatis odio & invidia eo redacti sunt,
cum Vota eis, ex Privilegiis eorum, omnino competant.

structus Comitia adeat. Testantur annales, cum in Comitiis, anno 1593. Nuntii ex Palatinatu Culmensi ad mandata sui Palatinatus provocarent, graviter id iis Palatinum Culmensem exprobrassem, eosque adgisse, ut se ad Generalem instructionem comparent. p) Cum anno vigesimo superioris seculi Nuntii ex particularibus Conventibus, particulari Palatinatum mandato instructi, ad Comitia irent, Civitates majores solenni contradictione coram Actis civilibus oppidi Radzini s. Rheden / intercesserunt. Et 1670. quod generalis Conventus Ante-Comitialis irritus fuisset, Nuntiis ex Palatinatibus Prussiae in Comitiis activitatem negatam invenimus. Quod & jam olim, anno 1625. contigerat, & postea adhuc contigit.

Nobilitas
Prussica ad
tribunal Pe-
tricoviense
provocat,
Civitates
non item,

§. LXXIII. Quod Nobilitatem Pruthenam, quæ se exemplo Polonicæ Tribunal Petricoviensi submittit, audit, hæc conjunctio anno 1585. facta est, quoniam anno Equestris Prussorum Ordo ad Tribunal Petricoviense accessit, certis tamen sub conditionibus, quarum non postremæ sunt, ut Prussis secundum leges suas receptasque consuetudines Jus dicatur, iisque integrum sit, si quando è re videatur, à Tribunal ad priscum instantiarum Ordinem reverti. q) Quod STEPHANUS I. Rex singulari scripto ratum habuit, & SIGISMUNDUS III. anno 1589. Constitutione Regni roboravit. r) Civitates vero quod attinet, illæ in Comitiis Varsaviensibus anno 1585. Regem

p) Vid. Lengnichs, Hist. Pruss. T. IV. p. 155.

q) Idem, l. c. Tom. III. p. 452.

r) Vid. Volumen Constitution. Regni, p. 514,

Regem humillime orarunt: *ut penes vetera Privilegia, Terrarumque Constitutiones, & receptam Judiciorum formam clementissime conservarentur.* Quod cum Rex indulgeret, pronunciaretque, Civitates nullius alterius, quam Regiae Majestatis cognitioni subesse vel posse, vel debere, publico Laudo in Conventu Generali Thoruniensi, anno 1585. cautum est: *Inductam à Nobilitate novitatem, Civitatibus in suis Juribus, Privilegiis, Immunitatibus ac Consuetudinibus, nullis temporibus præjudicioram vel noxiām esse debere.* Mansit ergo ultima Civitatum instantia, coram S. R. Majestate, nec aliter, nisi ad ejus Judicia, evocationes provocationesque legitime fiunt. s) Unde & Comitiorum Grodnensium anni 1726. Constitutiones, *Art. Trybunal glowny koronny, §. á jáko,* lege publica cautum est: *Evocationes Civitatum ad Tribunal intercidunt, & partes ad forum competens, sub nullitate Decretorum remitti volunt.*

§. LXXIV. Ex his, quæ jam dixi, abunde patere
spero: Primo Prussiam antiquissimis temporibus, &
vel ab origine sua, liberam Rempublicam, neque anti-
quis Poloniæ Regibus, nisi ex parte & ad tempus
saltem, nec Cruciferis ipsis, licet victoribus, nisi ex
pacto, nunquam vero aut Imperio Romano aut Pon-
tifici fuisse subjectam, multo minus tributariam. De-
inde si normam Regiminis ad Jura, ut vocantur, fun-
damentalia exegeris, quæ eapropter in medium attu-
limus,

Epilagus,

s) Lengnichii Dissertat. de hodierna Reipublicæ Pruthenæ facie,
pag. 114.

t) Conferri omnino hic meretur Scriptum, quod sub tit. Immu-
nitatis Civitatum Prussiæ à Jurisdictione Tribunal. Petricov.
1718. prodiit.


56 DE PRUSS. NUNQV. ET NULLI TRIB.

limus, nihil cum Polonis præter Regem, commune habere, nec Reges Serenissimos ex præscripto eorundem Jurium quicquam de rebus, quæ ad Provinciam respiciunt, sine Ordinum consensu constituere posse. Mutavit quidem Unio Lublinensis aliquantis per veterem Prussiæ statum, non tamen revertit. Contigisset posterius, si omnia ad amissim Decreti perfecta fuissent, sed, quæ DEI & Serenissimorum Poloniæ Regum indulgentia est, Vivit suis adhuc legibus, sua avita adhuc libertate Prussia: colit Poloniam, quod ei æterno fœdere juncta, parique zelo opes & consilia in commune confert, quo bene constituta à D. CASIMIRO compages perennitatem consequatur. Optandum etiam, ut eadem communis Patriæ Jura, quæ in promptu sunt, Civium cordi tenacius adhærent, ne, quod Majores multo sanguine ac facultatum suarum dispendio acquisivere, turpi successorum ignavia amittatur. Vivat! Floreat Patria! Liceat ei, liceat mihi, liceat omnibus ejusdem incolis, donec fractus labatur orbis, Lechici Orbis adorare Solem!

TANTUM.




Pol. 8 II 655



56 DE PRUSS

limus, nihil cum l
nec Reges Sereniss
quam de rebus, qui
consensu constitue
nensis aliquantispe
tit. Contigisset p
acta fuissent, sed, q
indulgentia est, V
bertate Prussia: co
cta, parique zelo
bene constituta à
consequatur. Op
Jura, quæ in prom
ne, quod Majores
pendio acquisivere
vat! Floreat Patria
dem incolis, done
rare Solem!





ROTANOX

2012

